

ZAKEA, WA N'WA-MABINDZU

 Un'wana na un'wana a ri ekunyikeni ka vumbhoni vusiku lebyi, va ri karhi va nyika mintokoto yaleyo ya kahle. Kutani hakunene ndza tiphina ha swilo leswi. Nakona swi tikomba tani hiloko un'wana na un'wana a ri na vumunhu nyana eka vumbhoni bya bona.

² Kutani ndzi nga ha engetela leswi eka bya mina. Tani hilaha manana wa mukhaladi a lave ku nyika vumbhoni kungari khale ngopfu, a ku, "Nkulukumba, xana ndzi nga nyika vumbhoni xana?"

 Ndzi ku, "Ntsena yana emahlweni."

³ Kutani a ku, "A ndzi—ndzi—ndzi hi leswi a—ndzi fanele ndzi ri xiswona, nakona—nakona a ndzi—nakona a ndzi hi leswi ndzi fanelaka kuva xiswona," a ku, "kambe a ndzi hi leswi ndzi tollovekiseke kuva xiswona, nakona."

⁴ Swingaleswi swi hi ndlela leyi ndzi titwisaka xiswona exikarhi ka ntlawa wo kotisa walowo. A ndzi hi leswi a ndzi fanele ndzi va xiswona, kambe kumbe leswi ndzi lavaka ku va xiswona, kambe, ndzi tiva nchumu wun'we ntsena, a ndzi hi leswi ndzi tollovekeke ku va xiswona. Nakona ndzi presa ku tshunelela maraka ya ku Vitana kale henhla.

⁵ Swikahle kuva lahawani. Hi vile na minkarhi ya kahle swinene ya xinakulobye na vamakwerhu va hina, a Maricopa Valley, eka mavhiki mambirhi lawa yo hetelela. Swi nga ha antswa ndzi va na rito ra mambvarambvara. Nakona hi vonile Tatana wa hina wale Tilweni a hi endlela swilo swa kahle. Nakona hi endla leswi ntsena hi ku endlela vanhu leswaku va kumeka vari eku khongeleni, na ku langutela nhlayo leyikulu leyi yi nga ta ta eka khoferense leyi. Loko . . .

⁶ Ndzi swi twile leswaku ndzi na nkateko wo ta lahawani eka chaptara leyi, na munghana wa mina wa kahle, Makwerhu Tony. Nakona ndzi vutise kanharhu, vusiku lebyi, leswaku u ri vurisa ku yini vito lero? Nakona ntsena a ndzi—ndzi ri kumanga. Nakona ntsena "Tony," loko hi leswaku hiswona sweswo. Ndzi pfumela leswaku a hova ngopfu lava va nga va ximfumo lahawani, hi ndlela yin'wana, a hi tano xana? Ma switiva, yalawa i maendlelo ya vukwembu. Ma swi tiva, Bibele yi teri, "Xikwembu a xi na xivumbeko." Swingaleswi a hi na xivumbeko xin'wana.

⁷ Hi ku vona swilo swa kahle leswi Tatana wa hina wa le Matilweni a nga hi endlela swona vhiki leri, hi tsakile ku ta hi ta xerha minkateko leyi eka chaptara leyi, ni kuva hi kumeka hi hlangana na vamakwerhu van'wana, na n'wina vanhu lava mi nga lahawani eka xiphemu lexi xa-xa Arizona. Laha,

hinkwerhu hi switivaka, kwalahawani, laha lowu wu nga tsindza. Ndzi va byerile vhiki hinkwaro leswaku Phoenix rova ehandle ka Tucson, minkarhi hinkwayo. Wa vona? Va ngaka va nga swi pfumeri, kambe ha va amukela eka xinakulobye xa hina. Leswi i ku, hikuva hi le ndleleni ya le henhla. Va fanele ku langutela hina, ma swi vona, ehenhla lahawani a Tucson. Kutani swingaleswi hinkwerhu tanani, nakona hi taya kona hi ya endzela Phoenix sweswi, vhiki leri ri taka, kumbe emahelweni ya vhiki leri, eka lowu nkarhi wa xinakulobye kwalahaya.

⁸ Hi vile na nchumu wun'wana wa kahle lowu a wu lavile ku humelela loko ndzi nge se ta eka rendzo leri. Ndzi tsakela ku teka xinkadyana nyana xa nkarhi hikuva ndzi ehleketa leswaku swi fanerile. Ndzi...

⁹ Eka ku famba emalembeni lawa ni ku ringeta ku yima exikarhi ka vangwa, eka minhlangano yo hambanana na vanhu, Christian Business Men a va ri va muxaka wa xihlovo-mananga nyana eka mina, ku pfumela leswaku Xikwembu xi endle matiko hinkwawo, hi ngati yin'we. Nakona ndza—ndza swi pfumela sweswo. Ndzi pfumela leswaku vanhu va Xona vale ka tikereke hinkwato. Loko Xi ri Xikwembu eka hinkwawo, hi Xona Xikwembu xa rixaka hinkwaro ra ximunhu, Xikwembu xo tumbuluxa. Nakona hakunene Xi tano... Langutani ehenhleni ka mananga na titshava, mi nga ha swi vona leswi Xi swi rhandzaka, hikuva xa tihamusela Xona N'winyi eka ntumbuluko wa Xona. Nakona hi nga ha swivona leswaku ku na Xikwembu. Nakona vanhu lava, va Full Gospel Business Men, loko hi ya eka tichaptara ta vona, u ya vulavula na vona, kutani swi ndzi nyika nkateko wo kumeka ndzi vulavula na mintlawa hinkwayo yo hambanana, yi ri kun'we.

¹⁰ Ndzi vitaniwile, leswi hi nga swi vitanaka muxaka wun'wana wa nhlamuselo ya misava, ku bukutela eka Demos Shakariah. Ma swi tiva leswaku—leswaku voko leri ri nga talela hi sweswo ri njhani. Kambe a ndzi ri eCincinnati eka masiku yantsongo lawa ya nga hundza, na Sesi Shakarian, tani hilaha ndzi swi twisisaka hakona, u yile eka vuhandzuri. Makwerhu Miner Arganbright, un'wana wa vachaviseki, u tile a ta ku, "Khandziya hi famba swin'we eCincinnati."

¹¹ Ndzi ku, "Ndzi na madzana ya vanhu lava va nga pavalala lahawani, kusuka emisaveni hinkwayo, va pavalala eka swibedlele leswi nale tikamareni, va ndzi rindzerile leswaku ndzi ta va khongeleta. A ndzi rindzeriwile eka minkonaniso, nkarhi wun'wana hi kutala ku ringana mambirhi kumbe malembe manharhu, va rindzerile, kutani ekuheteleleni va hetelele va fikile lahawani."

Kutani a ku, "Kunene, ntsena famba nyana timinetse tintsongo na mina."

¹² Ndzi ku, “Kunene, hi wihi nkarhi lowu wu nga wa ku fihlula xana?” Ri kwalomu ka dzana na makume mbirhi wa timayile, ndza bvumba, kusuka laha ndzi tshamaka kona.

Kutani a ku, “Kunene, xi ta sungula hinkwalomu ka awara ya nhungu.”

¹³ Ndzi ku, “Kunene, ndza ku byela. Hi taya kwalahaya sweswi, kwalomu ka awara ya mune, kutani hi ya kumeka kwalahaya eka ku fihlula. Ndzi ta hatla ndzi tlhelela endzhaku.”

¹⁴ Kutani loko ndzi fika kwalahaya, Makwerhu Shakarian a nga ri kona kwalahaya. Kutani ndzi nghenile. Va ku, “Ntsena hi leswi a hi swi languterile!” Kutani swingaleswi vusiku byebyo, nkarhi wun’wana, a ndzi fanele ku tlhela ndzi vuyela ekaya.

¹⁵ Hinkarhi walowo, akuri na muministara wa Baptist loyi a tikhegeterile ekatleni ra Billy, jaha ra mina, a ku, “A wu swi twisisi, nkulukumba.” A ku, “Nsati wa mina wa fa.”

¹⁶ Kutani a ku, “Kunene, nkulukumba, loko papa a tlhela.” A ku, “Hi bohekile eka vanhu lava, hi nga va tela.”

¹⁷ Ma swi tiva, eka layini ya xikhongelo, minkarhi yo tala, ku ya emahlweni, kutani nkarhi wun’wana hi nyika xikhongelo. Kambe n’wina... Nakona nkarhi wun’wana nandzu wu ya wu enta krtlula sweswo. Wa vona, Xikwembu xi hanyisa hi swipimelo, nakona ku nga hava kuri na swin’wana eka vutomi bya munhu yaloye. Nakona a ndzi na mhaka ni leswaku dokodela a nga va nyika mirhi yo tani hi kwihi, va ngaka va nga holi kufikela laha nchumu walowo wu susiwaka.

¹⁸ Loko u ya ehofisini ya dokodela u ya n’wi byela leswaku wa vabya, kutani u n’wi byela hi swikombiso leswi u nga na swona, nakona a kumeka a jahile, nkarhi wun’wana a nga ha ku nyika xiletelo nyana lexi xi nga na anesthetic eka xona, xa maendlelo yan’wana, aspirin yin’wana. Dokodela u va a lava ku hatla a hambana na wena, ntsena hi nkarhi walowo, hikuva a nga na nkarhi. Dokodela wa xiviri wa kahle, loko a nge se ku nyika murhi, u ta sungula hi ku kambela xivangelo, hi vukheteta, kufikela laha a kumaka lexi xi nga hoxeka, kutani a ku nyika murhi.

¹⁹ Nkarhi wun’wana hi kuma vanhu lava va fambaka na tilayini leti ta xikhongelo, ku rhendzeleka hi matiko, nakona ntsena vo tsutsumela va ehleketa leswaku Hosi yo fanela ku va hanyisela kwalaho. Kambe ku na swin’wana kumbexani ehansi kwalahaya, kutani hi tshama emahlweni ka Hosi kufikela laha Yi swi paluxaka sweswo, leswi swi nga xi swona sweswo. Ku na swin’wana leswi swi nga na... Ku na—ku na xivangelo xa swin’wana na swin’wana. Nakona u fanela ku kuma xivangelo, ku sungula, kutani u nga ha kuma leswi u nga tirhaka eka swona.

²⁰ Kutani nakulorhi loyi lontsongo ntsena a tshamela ro phikelela. Nakona ndzi kumeka na mixo kwalomu ka awara ya mbirhi. Na kwalomu ka ntlhanu, jaha ra mina ri ndzi vitanile, kutani a ku, "Wa n'wi tiva nhwenyana loyi va nge Jean Dyer?"

Ndzi ku, "Jean Dyer, ri twakala ri tiveka."

A ku, "U vule leswaku a tolloverile ku ku chayela piyano."

²¹ "Oho," ndzi ku, "yaloye a hi yena Dok. Dyer, wa sejari leyi yi nga lahawani, wa sejari ya ndhuma eLouisville?"

²² A ku, "Hi yena—hi yena yaloye. Kunene, nhwenyana wa yena Jean u le kufeni eSaint Edwards Hospital e...kumbe Saint Anthony Hospital, kumbexani, eLouisville." Kutani a ku, "Nuna wa yena u tipavalerile a switepisini siku hinkwaro."

"Kunene," ndzi ku, "kunene, ndzi ta ringeta ku swi pimanisa na namuntlha."

²³ Ndzi ku, "Sweswi, a nga switivi leswaku u na mfukuzani. U nga n'wi byeli."

²⁴ Swingaleswi, ekuheteleleni, siku lero, loko ndzi ya nghena ekamareni; akuri na nhwana wa kahle.

²⁵ U ndzi chayerile piyano, eka...loko ndza hari eka odithoriyamu, loko ndzi vona vanhu va Makwerhu Allen, lahawani vusiku lebyi. Makwerhu Allen ntsena u siyile odithoriyamu yo fana eLouisville. Walowo i Memorial Auditorium. Kutani Jean Dyer a ri muchayi wa piyano eka kereke ya Open Door, sinagogo ya khale. Kutani u vonile swin'wana swa kahle swa leswi Hosi Xikwembu yi nga swi endla. U byerile tata wa yena.

²⁶ Ntsena u teri, "Yaleyo yo va sayikholoji leyi yi nga erivaleni. Munhu loyi o va ntsena eku hlayeni ka miehleketo ya vanhu. Ku na... Ntsena o swi bvumba sweswo."

²⁷ A ku, "Papa, a swi ngevi swo bvumba nkarhi hinkwawo." Wa vona? A ku, "Ntsena a swi ngevi tano."

"Kunene," u teri, "Jean, rivala hi maendlelo yalawa."

²⁸ Nakona u rhandzanile na jaha ra kahle leri a riya eka seminari ya Baptist hi nkarhi walowo. U tekiwile kutani a rhurhela eRockford, Illinois, laha akuri ekaya ra jaha leri. Kutani hi ndlela yin'wana kumbe yin'wana u ringetile ku khomelela eka vumbhoni bya yena. Kambe jaha ri humile ri ya eka ntirho wa ntolovel, kutani endzhaku nyana u kumekile a fambele ekule na Hosi.

²⁹ Nhwenyana loyi a karhatiwa hi—hi vusati. U yile ekaya eka tatana wa yena. A swi tiva leswaku a lava leswaku a endlwa vuhandzuri. Ku kumekile eka yena leswi swi vitaniwaka...Kutani a ndzi ri tivi vito ra vutshunguri ra byona, kambe, hikuva ndza switiva leswaku ku na vadokodela vo hlaya lava va nga tshama lahawani sweswi. Swingaleswi,

byi vitaniwe, tani hi, xipfimbo xa chokoleti. Nakona xi le... Ndzeni, loko a xi humesa, a nga hava a xi halatile nyana. Kutani tisele ti va na lunya. Hiloko va n'wi rhunga, va n'wi nyika nyana x-ray na therapy.

³⁰ Swingaleswi, loko a fika ekaya, u yile emahlweni ni ku twa switlhavi na ku karhateka.

³¹ Endzhaku ka lembe, u tlhelerile eka ku xaniseka loku ku hetisekeke. Kutani loko va tava va susile swirho, va kumile leswaku mfukuzani wu gonyele eka rhumbu ra kholon wu fika wu ri tsongdzela. A kuri hava lexi xi nga endliwaka. Va tlhele va ringeta x-ray nakambe. A swi kalanga swi tirha. Swingaleswi va lo n'wi yisa exibedlele ni kuva va n'wi byela leswaku o va na vuvabyi bya xisati lebyi byi nonon'hwaka, niku byi ringeta ku byi tshungula. Nakona nhwenyana ari ekufeni.

³² Nuna wa yena a switiva. Swingaleswi u tile a khomile tin'wana ta tibuku ta mina, leti Jean a nga tihlaya. Kutani hiloko a sungula ku ta exibedlele, a fika a n'wi hlayela tonia.

³³ Kutani loko hi nghena hi ya n'wi khongeleta, a ndzi byela ha swona. Ndzi ku, "Jean..." I jaha ra kahle. Nakona a ndzi swi lavanga ku pfumelela ku...Ndzi hlayisile xihundla, hikuva a ndzi switiva leswaku—leswaku u...A nga switivi leswaku u na mfukuzani. Kutani swingaleswi, masiku mambirhi endzhaku ka sweswo, a va ya eku n'wi e—e endleleni rhumbu leri ri ngariki ra ntumbuluko. Swingaleswi u teka...

³⁴ Va nge se n'wi teka nhwenyana, kunene, va ndzi pfumelerile ku nghena ndzi ta khongela na yena. Ndzi n'wi kuma ari ekamareni. Kutani tani hiloko ndzi nghena... A kuri na muongori loyi a ngari mupfumeri loyi a ri ekutirheni; a kuri na vaongori vanharhu, ti xift ta tiawara tinharhu. Kutani tani hiloko hi kumeka hi n'wi susa muongori loyi, kutani hi n'wi humesa ekamareni, leswaku xivono xi nga ha humeleta, kutani hi khongela na yena xinkadyana kwalahaya, nakona ndzi n'wi vonile. U na misisi ya ntima. U na malembe ya kwalomu ka makume nharhu-ntsevu hi vukhale. Misisi ya ntima a yi hundzuke ya timpfi. A yimile eka xivono.

³⁵ Ndzi ku, "Jean, sweswi languta. Ndzi ya eku tshembhekeni swinene na wena." Ndzi ku, "U vile eka tinhlenegetano ku ringana ku tiva leswaku ndzi ngaka ndzi nga ku byeli nchumu hi Vito ra Hosi handle kaloko swi ri tano." Ndzi ku, "Sweswi, Jean, u na mfukuzani."

A ku, "Ndzi yi ehleketelele, Makwerhu Branham."

³⁶ Kutani ndzi ku, "Vuhandzuri byebyo, mundlwana, byi tava byi ri rhumbu leri ri ngariki ra ntumbuluko. Kambe, u nga vileli. Ndzi swivonile, kusuka eka Hosi, u ta hola." Kutani hiloko ntsena a tsaka. Kutani ndzi tiyela ekaya.

³⁷ Kutani hi siku leri ri landzelaka a va ya eku, hi xa tolo xa kona, kumbexani, a va ya va ya n'wi vekela rhumbu leri ri

ngariki ra ntumbuluko ku tipfuna ha rona hi mixo walowo, nakona a va fanele ku—a va fanele ku rindzela timinetse tintsongo endzhaku kaloko va tava va n'wi lulamiserile, ni kuya emahlweni, ni ku tilulamisela ku famba. Nakona a kuri... A ri na matitwele ya ntolovelawa swivumbiwa swa ximunhu swi nga vaka na swona hi nkarhi walowo, kutani va n'wi yisile eka kamara ro hlambela, nakona a ri na ku hetiseka, ka ku herisiwela makumu. Dokodela u hlamale ngopfu. A n'wi kambela nakambe. Hi mixo lowu a wu landzela... Va swi tshike swi ti fambel, va khansela vuhandzuri. Dok. Hume, un'wana wa vuswikoti swinene, wa sejari, munghana wa mina, hi yena loyi a ya endla vuhandzuri.

³⁸ Kutani hi mixo lowu a wu landzela a ri na ku hetiseka, ka ku herisiwela makumu. Kutani tatana wa yena, Dok. Dyer, u ndzi foyinerile. Nakona a ri exikarhi ka ku rila hi mbiti, a ku, "Makwerhu Branham, a ndzi ri musandzi eka leswi a wu vulavula hi swona." U teri, "Kambe ndzi mupfumeri sweswi, leswaku Xikwembu xa Abraham, Isaka, na Yakob xa ha hanya."

³⁹ Xi tshame xi va Xikwembu, Xi tshama xi ri Xikwembu. Nakona ha switiva ntsena leswaku hi Xona lonkulu lahwani a Tucson tani hiloko Xi ri kun'wana, hikuva hi lexi Xi tshamaka xi ri kona, xa matimba hinkwawo, lexi xi ngariki na ku hela, nakona ha switiva leswaku Xi nga ha endla hinkwaswo.

⁴⁰ Sweswi, leswaku ndzi nga mi khomeleti ngopfu. Hi ntolovel, a ndzi tolrevelekanga, loko ndzi... Loko ndzi ya eku chumayeleni, oho, ndzi ngava na ntiyiso wa ku mi khomeleta mi huma hi ntsevu wa tiawara. Walowo wu va wuri nchumayelo wo koma. Kambe a ndzi nge swi endli sweswo vusiku lebyi. Ndzi na tinhlengeletano vusiku bya mundzuku, vusiku lebyi byi landzelaka, ni kuya emahlweni. Hi ta ringeta...

Ndzi lulamisela kuya endzhandzheni wa malwandle nakambe, loko Hosi yi swi rhandza, leswaku ndzi famba.

⁴¹ Ndzi lava ku vula eka n'wina vanhu hinkwerhu mi nga lahwani, vanghana, swi nga ha endleka ndzi nga se tshama ndzi hlangana na van'wana va n'wina, nakona kumbexani ku na votala lahwani lava ndzi nga se tshamaka ndzi hlangana na vona. Ndza mi xeweta hi Vito ra Hosi ya hina Yesu, N'wana wa Xikwembu. Leswaku kurhula ka Yena ku nga hava na n'wina.

⁴² Nakona ku vulavula eka tichaptara leti nkarhi wun'wana, ku na maendlelo yo vangela vanhu ku... kukotisa vamakwerhu va mina va tiministara lahwani, ku vula leswaku...

⁴³ Un'wana u teri eka mina siku rin'wana, a ku, "Billy, kunene, hikokwalaho ka yini—hikokwalaho ka yini u nembelela hinkwako na ntlawa walowo wa van'wa-mabindzu?" A ku, "A ndzi ehleketa leswaku u muchumayeri."

"Oho," ndzi ku, "Ndzi—ndzi n'wa-mabindzu."

A ku, "N'wa-mabindzu?"

Ndzi ku, "Ina."

A ku, "A ndzi—ndzi—ndzi nga switivi sweswo."

Ndzi ku, "Ina, ndzi n'wa-mabindzu."

A ku, "I bindzu ra muxaka wihi leri u nga eka rona xana?"

⁴⁴ Ndzi ku ra hatlisa, swingaleswi u... Ndzi ku, "Ndzi le ka xitshembhiso xa Vutomi."

A ku, "Yini?"

Ndzi ku, "Xitshembhiso xa Vutomi."

A ku, "U vula yini?"

Ndzi ku, "Xitshembhiso xa Vutomi lebyi nga Heriki."

⁴⁵ Sweswi, loko kuri na un'wana wa n'wina vanhu a tsakelaka ku vulavula na mina hi ndzindzakhombo, ndzi ta tsaka ku mi vona endzhaku ka xikhongelo. Ndzi—ndzi lahawani hikwalaho ka bindzu.

⁴⁶ Tsundzukani leswaku munghana wa mina, Snyder a ri ri vito ra yena. Hi nghanile xikolo swin'we. Kutani sweswi, hi ndzindzakhombo, ndzi na munghana loyi a nga eka bindzu ra ndzindzakhombo. Hi na makwerhu loyi a nga eka bindzu ra ndzindzakhombo, kambe hi ntiyiso ndzi—ndzi hava ndzindzakhombo. Swingaleswi Wilmer Snyder loyi, munghana wa mina, jaha ra munghana loyi hi nga kula swin'we, u tile eka mina kungari khale ngopfu, a fika a ku, "A ku, Billy," a ku, "Ndzi tsakela ku vulavula na wena hi ndzindzakhombo wun'wana."

⁴⁷ Ndzi ku, "Sweswi, Wilmer." Ndzi ku, "Wa tiva ndzi ta ku byela yini. A hi vulavuli hi ku hlota."

A ku, "Ee. Ndzi lava ku vulavula hi ndzindzakhombo."

⁴⁸ Kunene, a ndzi fanele ku swivula hi ku hatlisa eka yena, nakambe. Ndzi ku, "Ndzi na xitshembhiso." Kungari ndzindzakhombo; xitshembhiso, wa vona.

⁴⁹ Kutani nsati wa mina a ndzi languta, tani hiloko a lava ku vula leswaku, "Hikokwalaho ka yini, wena munyiki wa xitorhi lontsongo." A switiva leswaku ndzi hava na ndzindzakhombo na wun'we.

⁵⁰ Hiloko a ku, "Oho, ndzi khomele, Billy." A ku, "Hi swona sweswo. Boti wa wena i mutirhi. Ndza n'wi tiva Jesse."

Kutani ndzi ku, "Kunene," ndzi ku, "ntsena a hi leswi swi nga na yena."

A ku, "I ndzindzakhombo wihi lowu u nga na wona?"

Hiloko ndzi ku, ndzi ku, "Ndzi na Vutomi lebyi byi nga Heriki."

A ku, “Yini?”

Kutani ndzi ku, “Vutomi lebyi nga Heriki.”

⁵¹ “Kunene,” a ku, “A ndzi pfumeli leswaku ndzi tshame ndzi twa hi ta khamphani yaleyo.” A ku, “Ee. Swa chavisa.”

⁵² Hiloko ndzi ku, “Lahawani hi leswi swi nga swi swona, Wilmer.” Ndzi ku, “I xitshembhiso lexi xi nga katekisiwa, Yesu i wa mina. Oho, i ku ringa kwihi ka ku kwetsima ka Matimba! Ndzi mudyi wa ndzhaka ya ku kutsuriwa, leyi yi nga xava hi Xikwembu, yi tswariwa hi Moya wa Xona, loku ku nga hlantswiwa eNgatini ya Xona.”

⁵³ A ku, “Sweswo swi chavisa kusaseka, Billy, kambe sweswo a swi nge ku veki lahayani emasirheni.”

⁵⁴ Ndzi ku, “Kambe ku ta ndzi humesa. A ndzi—a ndzi karhateki hi ku nghena kona. I ku huma, hi leswi ndzi ehleketa hi swona.”

⁵⁵ Sweswi, loko u ri na ku vilela kun’wana, ndzi ta vulavula na wena ha swona. Ntsena ku vulavurisana nyana—nyana kusuka eMatsalweni, hambi leswi ku nga tava kuri van’wa-mabindzu. Kambe ndzi tixakahata tani hi n’wa-mabindzu na wena.

⁵⁶ Kutani votala va makwerhu va mina lava va nga lahayani va tiministara, ndzi va vone va tlakuka, eka xinkadyana lexi xi nga hundza. Kutani swingaleswi kumbexani nkarhi wun’wana, hi ku rhandza ka Hosi, ndzi tsakela ku kumeka na ntlawa kutani hi va na ku hlanganyela kun’we ka hlengeletano ya kahle na vaministara lava va nga lahayani. Ndzi tiva boti un’we lontsongo lahayani. Ndzi hlanganile na yena. Whittle, ndzi pfumela leswaku, a kuri vito ra yena. A hi ri ehandle kun’we, nkarhi wun’wana. Sweswi, a ndzi swivulanga kahle sweswo, nakambe. U ndzi pfumelerile ku tiva leswaku sweswo a swi ri ntiyiso.

⁵⁷ Kutani vito ra mina hi mina Bran-ham, ma swi tiva. Un’wana u teri eka mina, a ku, “U... Makwerhu Bran-ham, u na vuxaka na Abraham xana?”

Ndzi ku, “Ndzi n’wana wa yena.”

⁵⁸ ““Tatana wa matiko.’ Loyi a nga fela eka Kreste, hi rixaka ra Abraham, ni ku dya ndzhaka na yena kuya hi xitshembhiso.” I Matsalwa yalawa.

⁵⁹ Sweswi, a ndzi na nkarhi wo mi khomeleta lahayani, wo chumayela, hikuva Ramada yi ngaka yi nga ha mi pfumeleli kuva na wona.

⁶⁰ Swingaleswi ndzi tsundzuka loko ndzi ta ta ro sungula exikarhi ka vanhu va Pentekostal, malembe lawa ya nga hundza, a ndzi ri a Mishawaka. A kuri na mintlawa mimbirhi ya vona. Wun’wana a wu vitaniwa P.A. of W.; wun’wana, P.A. of J.C., ndza pfumela. Nakona a vari na khonivhexini ya vona—vona ematikweni ya le n’walungwini, hikuva a kuri na ku avana, kutani swingaleswi vamakwerhu va

makhaladi va nga ha nghanela nhlengeletano. Ndzi va hlalerile siku hinkwaro, i ku hambana ka njhani, a ku nga hari na matikhomelo ya xikereke. Mina! A ndzi tshamile lahaya, nakona hina va Baptists, ma swi tiva, hina maendlelo yo ringeta ku endla vukereke endzeni ka kereke. Kambe vanakolorhi lava a va kalanga va va na maendlelo ya Baptist eka hinkwaswo, kumbe maendlelo yan'wana ya kereke. Va nga ha tsutsuma, va tlhava mukhos, va huwelela, vava va wasi exikandzeni. Kutani ndzi ehleketa leswaku "Mina, mina!" Kutani swingaleswi ndzi sungurile ku lemuka hi ndlela leyi a va ya emahlweni ha yona.

⁶¹ Kutani swingaleswi a ku, "Hinkwavo vaministara, eka platifomo. Muministara un'wana na un'wana, swingari na mhaka ni leswaku i wa dinominexini yihi, tanani eka platifomo leyi madyambu lawa." A hi ri kwalomu ka ntlhanu wa madzana wa hina lava a hi tshamile eka platifomo. Swingaleswi a ku, "Ntsena tlakukani mi yima mi vula mavito ya n'wina, mi tshama ehansi." Ndzi—ndzi tshunerile, mina. Ndzi—ndzi vula vito ra mina, ndzi tshama ehansi. Kuya ehansi. Endzhaku nyana, a vari na munhu... A vari na swichumayeri swa kahle hi siku lero. Oho, a vari swichudeni, nakona vavanuna va ntiyiso. Nakona ndza switiva leswaku a ndzi na lexi ndzi nga xi endlaka kwalahaya, na dyondzo ya mina ya giredi ya nkombo, ndzi yima emahlweni ka vanakolorhi lava, loko va ya ekuvulavuleni hi dyondzo yo dyondzela vukhongeri.

⁶² Kambe ndzi ehleketa leswaku, "Kunene, eka xikhongelo lexi xa madyambu, hakunene va nga hava na xipikara xo antswa swinene xa madyambu."

⁶³ Kutani swingaleswi, endzhaku nyana, vateri nkulukumba un'wana u ta vulavula. A ri mukhalabya wa mukhaladi, a ta. Nakona a languteka ari wa kwalomu ka makume nhungu-ntlhanu wa malembe hi vukhale. Nakona a ambarile wun'wana wa leya khale yo leha, leyi hi tolloveleke ku tivitana halahaya edzongeni, mikhanchu ya vachumayeri, ma swi tiva; wa maendlelo wa ncila wo mita, ma swi tiva, switrepe swi ri ehenhla nale hansi eka wona. Na rhimi ya misisi yo basa leyi yi nga rhendzela nhloko ya yena. Nakona a fanele ku rhangela nakolorhi wa mukhalabya ku huma, a khalabyile swinene.

⁶⁴ Kutani u humile kwalahaya a teka tsalwa ra yena leri ri humaka eka Yobo. A ku, "A wu ri kwihi loko Ndzi vekela masungulo ya misava? Ndzi hlambanyeli laha Ndzi nga boha kona" A ku, "Loko tinyeleti ta nimixo ti yimbelela kun'we, na vana va Xikwembu loko va huwelela hi ntsako," a ku, "a wu ri kwihi?" I Xikwembu a xi vulavula na Yobo.

⁶⁵ Kunene, vamakwerhu hinkwavo siku lero a va chumayela hi Vutomi bya Kreste, na ku ta ka Yohana, va tshovatshova exikarhi, na kuya emahlweni, va xikolo.

⁶⁶ Kambe mukhalabya loyi a nga kalanga a chumayela hi swin'wana swa leswi a swi ya emahlweni lahawani emisaveni. U Xi tekile kusukela endzhaku halahaya kwalomu ka khume ra mamiliyoni wa malembe loko misava yi nga se vumbiwa. Kutani a Xi tisa, leswi a swi humelela eTilweni, kutani a xikela ehansi hi kwangulatilo wa le hansi. U endle sweswo hi kwalomu ka ntlhanu wa timinetse, na ku hefemula kan'we, a swi tikomba tano. Loko a heta, u tlulerile ehenhla emoyeni kwalomu ka magoza manharhu, a swi tikombisa xiswona, eka mina, kutani a rhaha swirlhendze swa yena kun'we. A manyana kwalahaya. Nakona ari ha ka mbirhi tani hi ndhawu leyi ndzi nga na yona. A ku, "A ku ntsena a mi na ndhawu yo enela lahawani eka mina leswaku ndzi chumayela," hiloko a tshama ehansi.

⁶⁷ A ndzi ehleketa leswaku "Sweswo hi leswi ndzi swi lavaka. Loko hi leswaku sweswo swi nga endla mukhalabya a titwisa xisweswo, xana swi nga ndzi endlela yini loko ndzi tshame ndzi kuma xihlovo xexo xa vuntshwa xana?"

⁶⁸ Mukhalabya, wa makume nhungu-ntlhanu wa malembe hi vukhale, kutani a ngava na maendalelo yalawa! Kunene, mina, u humile kwalahaya, a ri wa maendalelo yo khomelela. Kambe ndzi lemukile loko Moya walowo wu ta n'wi ba, u pfuxetile vuntshwa bya yena ku kotisa gama, ma swi tiva.

⁶⁹ Sweswi eka buku ya Mukwetsimi Luka ndzi ta tsakela ku hlaya vhese yintsongo kumbe timbirhi, leswaku hi kuma Marito mantsongo lahawani, ku petsekela eka swin'wana leswi swi nga vuriwa, na hinkwaswo kun'we, na tinsimu leti ti nga yimbeleriwa. Kutani Hosi a yi engeteli mikateko ya Yona eku hlaiyiweni ka Mukwetsimi Luka 19.

Kute loko Yesu a nghenile Yeriko, a tsemakanya exikarhi ka muti.

... vonani, munhu a ri kona la vuriwaka Zakea, a ri hosi ya valuvisi, a fuwe ngopfu.

A randza ku vona Yesu leswaku u lo yini. Kambe a siveriwa hi ntshungu, ... hikuva a komile.

Kutani a tsutsumela mahlweni, a khandziya emurini wa nkuwa, leswaku a ta n'wi vona, hikuva a ta hundza ka wona.

Kute loko Yesu a fikile kwalaho, a languta henhla, a n'wi vona, kutani a ku ka yena ... Zakea, hatlisa u xika ... hikuva ndzi fanele ku ya tshama endlwini ya wena namuntlha.

⁷⁰ Byi nga hava byi ri vusiku byo biha. Nakulorhi lontsongo a nga kalanga a etlela na swintsongo. U lo tivumbulukela na ku bakanya minkumba vusiku hinkwabyo. Hinkwerhu ha fambelana na vusiku bya muxaka lowu: u nga wisi, u nga etleli. Nakona ntsena u lo vumbuluka vumbuluka vusiku hinkwabyo, a ri karhi a bakanya-bakanya.

⁷¹ Ma swi tiva, nsati wa yena, Rebekah, a ri mupfumeri, nakona a ri na ku tsakela eka nuna wa yena loyi a ri na bindzu a Yeriko. Nakona a nghenelela eka mingiringiriko yo tala ya siku lero, a swi kanakanisi. Kutani Rebekah a tolovelanile na—na mupprofeta loyi a vitaniwa Yesu wa Nazareta, Loyi a va koxa leswaku i N'wana wa Xikwembu. Nakona a ri na ku tsakela eka nuna wa yena leswaku a hlangana na Wanuna loyi.

⁷² Hikuva, a switiva leswaku vanhu va Mayuda va dyondzisiwile, leswaku, "Loko munhu a ri mupprofeta, leswi a swivulaka swi ta humelela. Kambe loko leswi a swivulaka swi nga humeleli, kutani mi nga n'wi yingiseli." Xikwembu xi va siyele Rito lero eka vona, hi vaprofeta va Xona. Sweswo hi leswi mupprofeta a tiviwa ha swona.

⁷³ Kutani munyiki wa nawu lonkulu, Muxe, na yena nakambe u siyile nawu, "Hosi Xikwembu xa n'wina xi ta mi pfuxela Mupprofeta loyi a kotisaka mina. Swi ta humelela leswaku loyi a nga taka a nga n'wi yingiseri Mupprofeta loyi u ta tsemiwa exikarhini ka vanhu."

⁷⁴ Kutani Rebekah a enerile hi ku hetiseka, loko a ta vona Yesu wa Nazareta loko a yima ni ku byela vanhu hi swilo leswi swi nga etimbilwini ta vona, ku bvumba swilo leswi swi nga ta humelela, swi ta hi ndlela leyi Yena a nga swi vurisa xiswona, a swi kalanga swi hluleka. Nakona A ri eRitweni ra Xikwembu hi ntiyiso. A swi pfumela.

⁷⁵ Kambe Zakea, nuna wa yena, a hlangananile. Kutani, kunene, ntiyiso wa kona a kuri leswaku, a nge se tshama a vona Yesu.

⁷⁶ Nakona hi ntiyiso walowo a wu ri nchumu wo biha, ku ringeta ku avanyisa munhu u nga se n'wi twa. A wu fanelanga ku swi endla sweswo. Minkarhi yo tala hina nandzu ha sweswo, eka siku leri. Ha twa hi ta munhu loyi, nakona, hi nga se tshama hi vulavula na yena, ha—ha ri...hi vule mavonelo ya hina ha yena, hi mavonelo ya munhu un'wana. Nakona a hi nchumu wa kahle. Hi ta fanela ku famba, hi ya tivonela hi hexe.

⁷⁷ Kukotisa loko swi tshame swivuriwa nkarhi wun'wana leswaku, "Xana swi kona swa kahle leswi swi nga humaka eNazareta?"

⁷⁸ Loko Filipi a yile a ya vona Nathanael niku n'wi kuma ari hansi ka nsinya, kutani a ku, "Tana, u ta vona Loyi hi nga n'wi kuma, Yesu wa Nazareta, N'wana wa Yosefa."

⁷⁹ U teri, "Sweswi, xana ku ngava kuri na swa kahle leswi swi humaka eNazareta?"

⁸⁰ U n'wi nyikile man'wana ya marito ya kahle lawa a nga n'wi nyika wona. "Tana, u ta vona." U nga tshami ekaya u sandza. Tana, u ta tivonela hi wexe.

⁸¹ Kutani loko a ta, Yesu u n'wi vonile a ha ta. A ku, "Vonani Muisraele loyi eka yena ku ngariki na xisandzu."

⁸² A ku, "Rabi," leswi swivulaka *mudyondzisi*, "xana U ndzitive rini?"

⁸³ A ku, "Loko Filipi a nge se ku vitana, loko wa ha ri ehansi ka nsinya, ndzi ku vonile."

⁸⁴ Sweswo a swi ringanerile. A ku, "Rabi, Wena u N'wana wa Xikwembu. Wena i Hosi ya Israel," hikuva u vonile rito reriya leri—leri Muxe a ngeteri ri ta teka ndhawu. A va ngari na muprofeta ku ringana mune wa madzana wa malembe, kutani hi loyi Munhu loyi a nga eRitweni hakunene.

⁸⁵ Hilaha wansati lontsongo yaloye exihlobyen'i xa Samaria a ngava a titwile loko a ta huma siku rin'wana a ya ka mati, nakona lahay'a a ku tshamile Munhu, Muyuda. A nga hava a langutekile a ri na kwalomu ka makume ntshanu wa malembe hi vukhale, loko A ri na makume nharhu ntsena. Ntirho wa Yena wu nga hava wu N'wi dyuharisile.

⁸⁶ Loko va ha ri na nkhuvo wa—wa titabernakele, hinkwavo a va tsaka. Kutani Yesu a huwelela, tani hilaha swi nga tshahiwa kungari khale leswaku, "Tanani eka Mina." Swingaleswi A sungula ku nyika ku lekichara ka Yena loku ka kahle.

⁸⁷ Kutani va—kutani Vayuda va ku eka Yena, "U vula leswaku U vone Abraham xana? Nakona U Munhu loyi a nga hundzingi makume ntshanu wa malembe hi vukhale, U ri u vonile Abraham? Sweswi ha switiva leswaku Wa penga." Nakona rito ku *penga* lahay'a ri vula "ku hlanya." "Ha switiva leswaku Wa hlanya. U na dimona."

⁸⁸ A ku, "Loko Abraham a nge siva kona, a Ndzi ri kona." Yaloye a ri hi MINA loyi a nga kona loyi a nga vulavula na Muxe eka xihlahla lexi xi pfurhaka.

⁸⁹ Kutani ha swilemuka leswaku loko A ha tshamile... A ri na xilaveko xo ta hile Samaria. Hikuva, Israel a ri ri twile hungu, nakona sweswi A tela tinxaka tinharu: Mayuda, Vamatiko, na Masamaria; Ham, Kam, na vanhu va Yafet. Nakona A...Evhangeli a yi boheka ku tivisiwa eka vona. Nakona U tile hi le dorobeni leri ri vitaniwaka Sychar, kutani kwalahaya, a tshamisa exihlobyen'i. Kutani a rhumela vadyondzisiwa va Yena emutini, ku ya kuma swakudya.

⁹⁰ Wansati lontsongo u humelerile. Hi nga ha n'wi vitana namuntha, kunene, nkarhi wun'wana leswaku "rivoni ro tshwuka," vito rin'wana ro gwerha. Ma swi tiva leswaku ndzi vula yini. Kutani swingaleswi u vonile Yesu...Ndzi vula leswaku, a nga kalanga a vona Yesu a tshamile ehenhla, ntsena tani hi Munhu wa ntolovelu wa Muyuda a tshamile etlhelo ka xihlovo. Exihlobyen'i lexintsongo, lexi xi nga emakun'wini ya xitarata, xa...laha tiko a ri ka mati kona.

Nakulorhi Loyi lontsongo loyi a tshamile kwalahaya, loyi a nga lemukiwangiki. Wansati a nga hava a tile hi kwalomu ka awara ya khume n'we na nhlikanhi, ku ta ka mati, mati ya ndyangu ya siku. Nakona u vekile bakiti ehansi leswaku a maka, kutani, a nge se ya ka, u twile Un'wana a ku, "Ndzi kele Ndzi nwa."

⁹¹ U langutile kutani a vona leswaku a kuri Muyuda. Nakona swi nga ha endleka a vule swin'wana swo kotisa leswi, "Nkulukumba, a switolo lovelekanga eka Wena ku vula sweswo. Ndzi Musamaria. Wena i Muyuda. Nakona a hi na... Kuna ku avana lahawani. A hi na ntirhisano."

⁹² Nakona U yile emahlweni a vulavula. Xivangelo xi yile emahlweni, xa kuva a khongela eYerusalem. A ku, "Hina Mayuda hi tiva lexi hi xikhongelaka, hikuva ku ponisiwa i ka Mayuda." Nakona xivangelo xi yile emahlweni xinkadyana. Kutani endzhaku nyana U teri eka yena, "Famba, u ya vitana nuna wa wena a ta na yena lahawani."

A ku, "A ndzi na nuna."

⁹³ A ku, "U vule ntiyiso, hikuva u vile na vavanuna va ntlanhu, na loyi u tshamaka na yena sweswi a hi nuna wa wena."

⁹⁴ A ku, "Nkulukumba, ndza swi twisisa leswaku U muprofeta." Sweswi, vonani, a va ngari na yena muprofeta ku ringana mune wa madzana wa malembe, kusukela eka Malakiya. A ku, "Ndza swi twisisa leswaku U muprofeta. Ha switiva, loko Mesiya a ta, U ta hi byela hi swilo leswi. Yaleyoyi tava yi ri sayini ya muprofeta. Loko Mesiya a ta, U ta hi byela hi swilo leswi."

Yesu a ku, "Ndzi Yena, loyi a vulavulaka na wena."

⁹⁵ A tsutsumela emutini a fika a ku, "Tanani, mi ta vona Munhu loyi a nga ndzi byela swilo leswi ndzi nga swi endla. Xana a hi yena Mesiya xana?" Hilaha Layiti yaleyoyi nga faya ro sungula yi humelela eka wansati lontsongo eka xiyimo xexo!

⁹⁶ A kuri ku—a kuri ku tshinya kwihi loku akuri eka vaprista lava va tempele ya siku lero, lava va nga N'wi vona loko a endla swo fana, niku N'wi vitana, "Beelzebub, dimona, moyo lowu wu nga tengangiki wu endlaka mintirho ley!"! Loko, Matsalwa ya swi tiyisisa leswi erivaleni leswaku kutava kuri Mesiya. Sweswi hina...

⁹⁷ Rebekah u swi vone hinkwaswo leswi, nakona a hisekela leswaku nuna wa yena a nga kumeka laha Yesu wa Nazareta a nga kona. Nakona a swi twisisa leswaku U fanele kuva eYerikho, emutini wa ka vona, hi siku lero. Nakona u kumekile a n'wi khongeleta. Ndzi tshembha leswaku ku na va Rebekah votala lahawani vusiku lebyi, leswaku mi nga ha khongeleta

vanuna va n'wina, leswaku nkarhi wun'wana Yesu a nga ha hundza hi le ndleleni ya vona. Nakona u khongele vusiku hinkwabyo, tani hilaha hi nga swi endlaka drama.

⁹⁸ Kutani ma swi tiva, loko un'wana a ya mi khongelela, hi ku tshembheka, a mi—a mi kumi ku wisa. U nga ha vula leswaku, kuna swin'wana swi tekaka ndhawu.

⁹⁹ Kutani loko ri ya ekuxeni, hi nga ha ku...Zakea a ri na ntolovelokarhi wun'wana wo hlwela ku pfuka kumbexani, hikuva, nkarhi wun'wana hi nga ha vula leswaku, a ri na restuwarente, nakona u pfumelerile...timininjhhere ta—ta yena, na kuya emahlweni, va langutela bindzu ra yena. Kambe mixo walowo, u pfuke kahari mixo swinene, a pfuka a ti basisa kahle, a tlhela a ambala swiambalo swa yena leswo antswa. Kutani Rebekah, endzhaku kaloko a khongerile na vusiku hinkwabyo, ni ku vona leswaku a nga wisanga...

¹⁰⁰ Kutani yingiseli, Rebekah, loko u vona Zakea wa wena a sungula kuva na maendlelo yo kombisa leswaku a nga wisanga, ntsena tsundzukani, Xikwembu xi hlamula xikhongelo, ma swi vona. Yaley i ndlela leyi swi humelerisaka xiswona. Loko u n'wi vona a va na maendlelo yalawa a nga ku hlamuli kahle, ntsena tsundzukani, khomelela u ya emahlweni. A swi nga teki nkarhi kuva Xikwembu xi hundza eka yena hi ndlela yaley.

¹⁰¹ Hakunene a nga wisanga. Loko a tava a pfukile, u ambarile swiambalo swa yena leswo antswa. Kutani ndzi nga ha n'wi vona Rebekah loko a hundzuluka a ku, "Zakea, u phaphame ka ha ri mixo swinene eka mixo lowu, murhandziwa."

¹⁰² "Oho, ina. Aa, ntsena ndzi, aa, aa—aa—aa, ham. Ma swi tiva, a ndzi—ndzi ehleketa leswaku ndzi nga huma nyana ndzi ya kuma moya wo teng."

¹⁰³ Kambe, a ri na leswi emiehlekeweni ya yena, "A ndzi swikoti ku susa Nakulorhi yaloye a suka emiehlekeweni ya mina. Wa swi tiva leswaku ndzi ya endla yini? Ndzi taya lahaya egedeni ley A nga ta nghena hi yona. Kutani loko A nghena hi gede yaley, ndzi ta N'wi nyika ku rhula ka mbilu ya mina, leswaku ndzi humesa nsati wa mina, tinhlenegetano leti, na kuya emahlweni tani hi leswi. Ndzi ya eku N'wi byeleni hi leswi ndzi swi ehleketa ha Yena." Ma swi tiva, minkarhi yo tala vanhu va endla xikhunguvanyisi xa muxaka walowo, ma swi tiva, ntsena hikuva va twile swin'wana.

¹⁰⁴ Swingaleswi u tilulamisile a ambala kahle. A rhelela ehansi. A languta endzhaku, endlwini, ku vona loko kuri na un'wana loyi a nga langutisa, nakona a switikomba ku nga ri na munhu loyi a nga langutisa. Kambe Rebekah a hlometela hilaha ku nga handzuka a festereni, a vona leswi a swi endla. Kutani ematshan'wini yo jikela eka restuwarente ya yena, u rhelerile hi Straight Street.

¹⁰⁵ Ma swi tiva, minkarhi yo tala u kuma Yesu eka Straight Street. Hi swona. Lulama eka bindzu ra wena! Loko u lava ku N'wi kuma, tshembheka, u va loyi a tshembhekeke, u lulama eka Xikwembu nale ka vanhu, u va loyi a lulameke na makhelwani wa wena.

¹⁰⁶ Swingaleswi u rhelerile hi xitarata, hikuva a switiva leswaku U ta fanela ku nghena hi gede yin'wana. U hlwerile nyana mixo walowo, hikokwalaho ka mabofu mambirhi ya vavanuna lava a va lava ku hanyisiwa, tani hilaha Matsalwa ya hi byelaka, nakona U va hanyisile valava. Kutani loko a rhelela eka gede leyi Yesu a fanele a nghena hi yona... Ma swi tiva, Bibele yi teri, "A ri wa maendalelo yo koma hi xivumbeko." Kutani loko a tava a fikile kwalahaya, van'wana va vanhu lava lavakulu a va yimile kwalahaya, nakona a nga kalanga a kuma ndhawu, yo yima a N'wi vona. A va nembelerile hi makhumbhi na hinkwako.

¹⁰⁷ Ma swi tiva, ku na swin'wana ha swona, leswaku, loko Yesu a fika, minkarhi hinkwayo swikoka rinoko hi ndlela yin'wana. A va ri kwalahaya, va tilulamiserile ku yimbelela, "Hosana!" Nakona va...

¹⁰⁸ A ku, "Sweswi, a ndzi nge tekeriwe enhlokweni lahwani. Nakona a ndzi nge koti ku N'wi lemuka, hikuva kumbexani U ta famba exikarhi ka xitarata, na murindzi, kutani a ndzi nge swikoti ku vona Nakulorhi loyi. Kambe a ndzi pfumeli leswaku hi Yena muprofeta, hikuva ndzi dyondzisiwile leswaku masiku ya vuprofeta na masiku ya masingita ya hundzile." Maswitiva, nkarhi a wu kalanga wu ncinka ngopfu kusukela kwalaho.

¹⁰⁹ Loko Xikwembu xi tshame xi va Xikwembu, Xa ha ri Xikwembu. Loko Xi ngari tano, swivila leswaku a Xi tshamanga xi va Xikwembu. A wu nge vuli ntsena leswaku hi Xona Xikwembu nkarhi wun'wana, nakona xi ngari Xikwembu eka lowu landzelaka. A Xi kali xi dyuhala. Xi ngaka xi nga ncici miehleketo ya Xona. Xi ta fanela ku tshama na swiboho swa Xona. Swingaleswi, u nga ha tshama u ri na ntiyiso wa leswaku, leswi Xi nga swivila, hi leswi Xi nga ta swi endla. Sweswo hi leswi...

¹¹⁰ "Abraham a pfumela eka Xikwembu, a vitana swilo leswi a swi hambanile tani hilaha a swi—a swi ngari kona. Swilo leswi a switikomba swi ri kona, leswi mahlo ya yena ya nga vonaka swona, kambe a swihambanile na Rito ra Xikwembu, nakona u—u leswaku... a nga swi endlanga... a nga kalanga a swilanguta hambi kuri ku swi languta. U swi vitanile tani hiloko swi nga ri kona. A pfumela eka Xikwembu." A nga kalanga a khomelela eka siku rin'we ntsena. U rhelerile a ya ehansi na vutomi, makume mbirhi-ntlhanu wa malembe, loko Isaka a nge se tswariwa. Kutani a ya a tiya, minkarhi hinkwayo.

¹¹¹ Na hina namuntlha hi koxa kuva tano, hi tintswalo, na hi ntwela-vusiwana na kuva hi adoptiwile hi Kreste, leswaku hi va Mbewu ya Abraham, nakona hi nga xi tshembhi Xikwembu kuringana tiawara ta makume mbirhi-mune. Kambe Mbewu ya Abraham ya xiviri yi khomelela eka Rito ra Xikwembu nakona ku hava lexi xi n'wi tsekatsekisaka eka swona.

¹¹² Xikwembu xi byerile Abraham, loko a ha ri na makume nkombo-ntlhanu wa malembe hi vukhale, kutani Sarah a ri na makume ntsevu-ntlhanu, a va ha ya eku kumeni ka n'wana. Hikokwalaho ka yini, va yile va ya kuma tiphekisi na swihovhorolani, kutani va tilulamisela xona. Hi swona. A kuri hava lexi a xi ta va yimisa. A va switiva.

¹¹³ Masiku yo sungula ya makume mbirhi-nhungu ya hundza. A ku, "U titwa njhani, Sarah?"

"A ku na ku hambana."

"Ku kwetsima a kuve eka Xikwembu! Hi tava na yena, hi ndlela yin'wana."

"U switiva njhani?"

"Xikwembu xi vule tano. Sweswo swa swi tshamisisa."

Nhweti leyi landzelaka, "U titwa njhani xana?"

"A kuna ku hambana."

¹¹⁴ "Kunene, i hlori lerikulu leri ri nga se tshamaka ri va kona. Ku hundzile tinhweti timbirhi." Wa vona?

Malembe ya makume mbirhi-ntlhanu, "U titwa njhani, Sarah?"

"A ku na ku hambana."

"Ku kwetsima a kuve eka Xikwembu! Hi tava na yena, hi ndlela yin'wana. Xikwembu xi vule tano."

¹¹⁵ Nakona hi tivitana Mbewu ya Abraham. Leswi Xikwembu xi swivulaka, Xikwembu xa swikota ku endla, ku endla leswi Xi nga swivula leswaku Xi ta swi endla. Ndzi ngaka ndzi nga swikoti ku hlayisa rito ra mina nkarhi hinkwawo. Na n'wina mi ngaka mi nga swikoti. Kambe Xona xa swikota, leswaku xiva Xikwembu.

¹¹⁶ Swingaleswi, hi kuma leswaku wanuna loyi a nga swipfumeri sweswo, wanuna loyi lontsongo wa mabindzu wa doroba ra Yeriko. A ri na bindzu lerikulu. A ehleketa leswaku u endla swona swa kahle. A rhandziwa hi vaprista na sinagogi. A rhandziwa hi tikereke, na va Kiwanis, na—na minhlangano yo tala ya siku lero, tani hilaha hi nga swivurisaka xiswona. Hambi swi ri tano, sweswo a swikali swivula Xikwembu, hambi swi ri tano.

¹¹⁷ Kuhumelela a swi kalanga swivula Xikwembu, minkarhi hinkwayo. Nkarhi wun'wana swa fambisana.

¹¹⁸ Xikwembu xi teri, “Loko ma ha tshamile asin’wini,” xi byela Israel, eka ngati leyi yi nga ya vona n’winyi, kutani a ri tsakela ku Xi tirhela. Kambe loko ri tava ri ringanerile, a ri ehleketa leswaku ri tano, kutani a ra ha swilavanga ku tirha nakambe na Xona, ri Xi fularhela.

¹¹⁹ Esaya u na xikombiso xexo lexi xi humaka kusuka eka hosi Ozias, hikuva Ozias ari munhu wa kahle ntsena loko a ha titsongahata emahlweni ka Xikwembu. A nga kalanga a tlanga tipolotiki. A tshama na Xikwembu, kutani Xikwembu xi n’wi katekisile. Mfumo wa yena a wuri ekusuhi ni wa Solomon. Kambe, loko a ta tiveka exikarhi hi yexe!

¹²⁰ Sweswo hi swona swi karhataka vanhu namuntlha. Mi nga swi pfumeleli swi humelela leswi eka nhlangano lowu wa va n’wa-mabindzu, handle ka swona mi tava mi fambile mi ya endhawini ya ntshuri kukotisa hi vunyingi bya vona. Masiku hinkwawo loko vanhu va kumeka endhawini kufikela—kufikela laha kuhumelela ku sungulaka kuva pfala mahlo kusuka eRitweni ra Xikwembu, va le henhla ka maribye.

¹²¹ Ozias a ri munhu wa kahle swinene, kambe u ringetile ku teka ndhawu ya muchumayeri, siku rin’wana, ku ya nghena ni ku hisa magandzelo. Kutani muprista lonkulu, na vaprista lavan’wana, va tile va ta n’wi byela leswaku, “A wu fanelanga ku endla sweswo. I munhu loyi a fanelaka ku titshamela.”

¹²² Kutani na n’wina va n’wa-mabindzu mi switsundzuka sweswo, na n’wina. Hina vachumayeri hi na minkarhi yo tika yo hlaysia Nchumu lowu leswaku wu lulama. A hi wa lava nga tshamisa. Lava va nga tshamisa va na xiave xa vona, kambe phulphiti i ya va vuli va rito lava va nga hlawuriwa. “Lava va nga vekiwa hi Xikwembu, eKerekeni, vavanuna va swilo leswi.”

¹²³ Kutani hi kuma leswaku u tekile xibyi xo hisela magandzelo a ya nghena na xona, hi ndlela yin’wana. Kutani Xikwembu xi n’wi ba hi nhlokondo, nakona u file tani hi wanhllokondo. Wa vona, loko hi titlakusa!

¹²⁴ Zakea hakanyingi a ri eka xiyimo xexo. A ri muhumeleri. A yime kahle na rabi. A yime kahle na mintlawa hinkwayo. Swingaleswi hiloko a ehleketa, leswaku loko a nga kumeka ekhombyeni, u tava na vaseketeri, va Sanhedrin a va yima na yena. U yime enyangweni. U ya eku endleni ka swin’wana sweswi. U ya ekuhumeni nikuteka Munhu loyi, nikut N’wi byela exikandzeni xa Yena leswaku, “U muprofeta wa mavunwa. Ku hava nchumu eka Wena. Wo va ntsena loyi a nga tihlanganelo nhloko, nikut hambukisa vanhu.” Wa vona, a nga kalanga a tshika ku hlaya Rito.

Kwalaho hilaha xihoxo xi endliwaka kona namuntlha.

¹²⁵ Loko Israel a ri lo endla leswi ematshan’wini yo endla leswi va swi endlaka, a va tava va antswa vangari kona

namuntlha. Kambe a va fanele ku swi endla hi ndlela yaleyo. A ri fanele ku hetiseka, leswaku mahlo ya vona ya pfariwa, leswaku hi va na nkateko. Loko a kungari sweswo, a hi tava hi ri kwihi xana? Lemukani.

¹²⁶ Kambe loko a fika kwalahaya, u kume leswaku a nge swikoti ku vona nchumu. A nge swikoti ku vona xitarata, ntsena ku na vanhu votala lava va nga hlengeletana, hinkwako. Swingaleswi a ehleketa leswaku, “Ma tiva i yini? U ya kona... Va ndzi byela leswaku, Rebekah u ndzi byeleye, leswaku, namuntlha, U ya ekudyeni e— Lavinski.” Ndzi tshembha leswaku kuhava Lavinski lahawani. Kambe, rhestuwarente ya yena, i mulwetani. Ahaa. Swingaleswi a ya ekudyeni eka rhestuwarente ya yena, kumbexani. “Swingaleswi ndza switiva, kufika kwalahaya, hi ta fanela ku rhelela ehansi, hi jikela eka Straight Street lahawani, ku rhelela hi Haleluya Avenue,” hi ta xivitanisa xisweswo.

¹²⁷ Mavito ya vona hi lawa ya nga vupfangiki, kambe ndzi endla sweswo hi ku endlela ku endla drama ya mina. “Nakona hi fanele ku hundzuluxa khona leyi nga lahawani, yi suka eka Straight Street, yi ya eka Haleluya Avenue.” Ntsena u famba hi xitarata xexo kuringana, kutani u ta kumeka eka Haleluya Avenue. Ntsena tshamani mi lulamile.

¹²⁸ Swingaleswi u rhelerile ehansi, hi xihatla. A ku, “Ndzi komile hi xivumbeko.” A tilulamisa a ambala kahle: a kokela malebvu ya yena ehansi; a swi languteka a tifafazeli kahle hi phefumu; minwala ya yena hinkwayo a yi pholichiwi. A yima ekhoneni, a ku, “Ndzi ta N’wi vona loko A hundza hi kwala, nakona ndzi ta N’wi byela leswi ndzi swi ehleketa hi Yena loko A hundza hi kwala.” Swingaleswi u yimile ekhoneni.

¹²⁹ Kutani u sungule ku ehleketa, “Wa tiva i yini? Ntlawa walowo wu ta N’wi landzelela. Va ta fika na kwala, nakona ntsena va... Ndzi komile, a ndzi nge swikoti ku N’wi vona, swingaleswi a ndzi nge endli swa kahle ngopfu loko ndzi yimile lahawani. A swi nge ndzi antswisi loko ndzi yimile lahawani kutlula loko ndzi ri lahaya. Nakona, wa tiva, pfumela leswi—leswi ndzi nga ta swi endla? Hi lowu murhi wa nkuwa lowu wu nga yima lahawani, swingaleswi ndzi pfumela leswaku ntsena ndzi ta gonya murhi lowu wa nkuwa. Kutani swingaleswi ndzi ta kota ku N’wi vona, kutani a N’wi languta kahle loko Yena a hundza. Swingaleswi A ngaka a nga ndzi voni ehenhla lahaya eka murhi walowo. Nakona ku na rhavi leri ri yaka kwalahaya; kutani ndzi tshama eka rona rhavi lero ndzi N’wi hlalela loko A ta a humelela, kutani loko A vonakala. Ndzi ta kota ku N’wi vona kahle Nakulorhi loyi.”

¹³⁰ Kutani swingaleswi, xosungula mi xi tivaka, u sungurile ku ringeta ku vona leswaku rhavi ro sungula ri lehise ku yini, nakona a ri humile nyana leswaku a nga kota ku ri fikelela.

¹³¹ Wa tiva, hakunene, goza ro sungula ro va ntsena ra kuva hi fikelela. Hi fanele ku ri amukela hi ripfumelo. Ina. Ntsena i swintsongo nyana eka ku hlamusela hi miehleketo ya ximunhu. A wu nge swikoti ku hlamusela Xikwembu. Loko u swi endla, hi leswaku a Xa ha amukeriwi hi ripfumelo. U fanelia ku Xi pfumela. “Loyi a taka eka Xikwembu u boheka ku pfumela leswaku Xi kona, u fanele ku pfumela leswaku hi Xona Muhakeri wa lava Xi lavaka.”

¹³² Swingaleswi hi kuma nakulorhi loyi lontsongo loyi a nga lemukekiki, un'wana wa va n'wa-mabindzu wa le tikweni, u teri, “Sweswi, ndzi nga gonya njhani ehenhla?” Nakona kumbexani lava vo rhwalela thyaka a va nge si fika hi mixo walowo, nakona a kuri na mathini nyana ya tshamile ekhoneni, ya tele hi—hi nyama ya bola etikweni. Swingaleswi va... A ku, “Loko ndzi nga kota ku fikelela thini leriya, ndzi nga ha kota kufikelela ndzi khoma rhavi.”

¹³³ Swa chavisa, hi ndlela leyi Xikwembu xi kumaka vavanunu leswaku va endla swilo leswi swi hlekisaka. Swingaleswi, kambe, wa tiva, loko u hlamusela leswaku u lava ku vona Yesu, u ta endla swilo leswi swi hlekisaka, loko u hlamusela leswaku u lava ku swi endla; wa—wa tshembheka hakunene, u lava ku Ri tiva leswaku ri njhani.

¹³⁴ Kutani yalawa a ya ri mavonele ya Zakea. U lavile ku lavisisa leswaku ku humelela yini, a yingisela. Swingaleswi a ku, “Sweswi ku hava munhu loyi a nga ekusuhi, swingaleswi ndzi ta rhetemuka ndzi ya teka thini lero ra thyaka ndzi ri kokela lahwani, kutani ndzi gonya eka—eka murhi. Kutani ndzi ta kota ku fikelela rhavi ro sungula, ndzi gonya ehenhla—ehenhla exitarateni loko A hundza hi kwalahawani.” Kambe loko a ta sungula ku kokakoka thini, a ri n'wi tikela swinene kuri koka. A ri munhu wo koma, wo koma hi xivumbeko. Nchumu wun'we ntsena wo wu endla, kwalaho, a fanele kuri paka. Sweswi, a ambale kahle swiambalo swa yena.

¹³⁵ Ma swi vona leswi Javulosi a swi endlaka xana? Ntsena u ringeta ku veka hinkwaswo endleleni ya wena. Swingaleswi u—u ta fambisa-fambisa hinkwaswo, ku kanakana hinkwako, xisolo xin'wana na xin'wana lexi a nga xikotaka, ku endlela leswaku u fambela ekule na Ntiyiso. Ntsena u kahle eka ku endla sweswo.

¹³⁶ “Swingaleswi ndzi ambarile swiambalo swa mina swo antswa,” a nga hava a teri. “Kutani lahwani, ndzi—ndzi, loko ndzi nga kota kufikelela thini lero ra thyaka, ndzi ta thyaka.”

¹³⁷ Ma swi vona, ku na vanhu van'wana lava va ehleketa ka leswaku, ku tshama eka nhlengeletano yo kotisa leyi swi nga ha ku thyakisa nyana, wa muxaka wa le xikarhi ka vanhu ni wa ndhuma ya le tikweni. Kambe loko hakunene u hlamusela ku vona Yesu, u tata, hi ndlela yin'wana. Hi swona sweswo.

Swingaleswi, kuna nchumu wun'we ntsena wo wu endla, loko munhu a ti byerile hi ku vona Kreste, kuhava lexi xi nga ta n'wi yimisa.

¹³⁸ Swingaleswi u enhlile a ya teka thini leri ra khale, kutani hi loyi a taka. Ntsena loko ku lava ku fika nkarhi lowu a lavaka kuri haka hi mavoko ya yena, kahle, va phikizani va yena va humelela hi le khoneni, vambirhi kumbe vanharhu va vona. Va ku, "Kunene, langutani Zakea. U ncincile xiyimo xa yena. U tirhela tiko sweswi." Ndzi nga ha xi vona xikandza xa yena xi sungula ku tshwukela ro chavisa.

¹³⁹ Ndza hlamala, vusiku lebyi, loko boso yi nga nghena yi fika yi vona van'wana van'wina va n'wa-mabindzu va xinuna, mi tshamile eka nhlengeletano yo kotisa leyi yi vitaniwaka "vavumbuluki-vokwetsima," swi nga hlamarisa loko xikandza xa n'wina... Kunene, khale mi tixakahatile, swingaleswi swi nga ha endleka mi tshamiseka mi nga ninginiki sweswi. Zakea u swi endlile a ri na rona emavokweni ya yena; a nyikile ndlela. Nakona mi swi endlili kuva kona lahwani, swingaleswi mi nga ha tshamiseka, yanani emahlweni na rona, mi tshamile kwalaho.

¹⁴⁰ Mavoko ya yena a ya rhendzele thyaka ra le thinini. I nchumu wa njhani eka n'wa-mabindzu! Hi loyi a taka, na xikandza xa yena xo tshwuka. Kutani vona va ku, "Kunene, u tiva yini, Zakea?" Wa tiva, a swi ri kahle swinene, bindzu leri a wuri na rona, swingaleswi a kumisia. A ku, "Hi loyi lahwani. Sweswi u tirhela tiko. Ndza switiva, ndza switiva leswaku bindzu ra yena ri bihile, languta leswaku i ntirho wa muxaka wa njhani lowu a nga na wona."

¹⁴¹ A ti byerile ku vona Yesu, swingari na mhaka. A swi twile, kutani a lava ku swi vona hi yexe.

¹⁴² Ndzi ngaku eka Xikwembu leswaku munhu un'wana na un'wana a nga teka maendlelo ya lawa. Loko mi tshame mi twa hi ta Yena, mi lavisia. A nga fanga. Wa hanya, ntsena tani hi lahwani eka ndhawu yaleyi vusiku byebyi tani hilaha A ri amabuweni ya Galeliya. "Vonani, Ndzi na n'wina minkarhi hinkwayo, hambi ku ya fika emakun'wini ya misava. Mintirho leyi Ndzi yi endlaka, mi ta yi endla na n'wina." Sweswo a swi tano, swingaleswi A ri Mesiya wa vunwa; A ngari yena me—me Mesiya loyi A fanele kuva yena. Kambe loko A hlayisa ni ku hlayisa xitshembhiso xa Yena, Xa ha ri Xikwembu lexi xi titivisaka xona N'winyi evanhwini. Xi ta fanela ku endla swo fana leswi Xi swi endleke. Yaleyo i ndlela ya Xona yo endla swilo. Xi ta fanela ku tikombisa hi Xoxe hi ndlela leyi Xi nga swi endlisa xiswona. Vaheveru 13:8, Paul u vulavula na Vayuda, a ku, "Yesu Kreste wa hari yena wa tolo, namuntlha, ni hilaha ku nga heriki." Swingaleswi, U boheka ku fana eka nawu, ku fanana nile ka matimba, kufanana eka hinkwaswo leswi A ri xiswona. U boheka kufana namuntlha.

¹⁴³ Minkarhi yin'wana, hi vona mintirho ya Xikwembu, ndza swi tiva leswaku ku na vutikukumuxi lebyi byi nga hlanganana na yona. Loko u kuma dolara ya xiphaza, xana swivula yini sweswo eka wena, n'wina vavanuna va n'wa-mabindzu? Mi ta tshika xana? Xana mi ta humesa mali hinkwayo a bankini mi hoxa a—a endzeni ka nambu hikuva mi kumile dolora ya xiphaza xana? Dolara yaleyo ya xiphaza yi vula ntsena leswaku ku na dolara leyinene leyi yi nga endliwa yi suka eka yona. Nakona Pentekosta yi talele hi ku encenyeta ka xinyama. Kambe swivula yini xana? Kuna yin'wana ya ntiyiso kun'wana. Hi un'wana a ringetaka ku encenyeta swin'wana leswi un'wana a nga na swona. Ro va thikithi ra swakudya. Ntsena i swa Swin'wana leswi swi nga swa xiviri, endzhaku ka nchumu, leswi un'wana a ringetaka ku encenyeta.

¹⁴⁴ Swingaleswi hi kuma leswaku, Zakea u kumile thini ra yena ra thyaka. Ni va phikizani va yena lava a va famba hi xitarata, va n'wi hleka. Kambe a swi nga kali swi endla ku hambana. A ti byerile ku vona Yesu. Swingaleswi a nga hava na mavonelo eka Yena.

¹⁴⁵ Hi nga ha kuma matitwele ya lawa exikarhi ka hina, loko ntsena hi nga tibyela, leswaku hi ya lavisia Leswi swi nga xiswona, loko kuri Ntiyiso. "Loko Xikwembu xi ri Xikwembu, Xi tirheleni." Eliya wa muprefeta u vule sweswo, eNtshaveni ya Kamele. "Loko Xikwembu xi ri Xikwembu, Xi tirheleni. Loko yena Balam ari Xikwembu, n'wi tirheleni." Loko Yesu Kreste a nga tihlambanyi hi Yexe ntsena kukotisa hilaha minkarhi hinkwayo A ri xiswona, swivula leswaku A nga pfukanga ekufeni.

¹⁴⁶ Loko ntsena hi ringeta ku nghenisa vanhu hi xikombelo xa sayikholoji, loko ntsena hi nga va ncinka va suka eka Methodist va ya eka Baptist, kumbe kusuka eka Baptist va ya eka Pentekostals, xana i yini? Kova ntlawa wa sayikholoji. Hi swona.

¹⁴⁷ Xikwembu lexi xi hanyaka Lexi xi nga tumbuluxa matilo na misava xa hari xona Mutumbuluxi. Xa ha ri Xona, hi nawu, Xikwembu xexiya Xi nga tshama xi va kona. Ndzi tsakile hikuva ndza xi vona Xikwembu emahlweni ka kereke xi ndzi khomeke, kutiva leswaku kuna xo kotisa Xona.

¹⁴⁸ Ndzi vona ku rhaselana ka vona, na ku belana mpongo, na ku tiputa. Minkarhi hinkwayo swi hi ndlela yaleyo, hinkwavo. Vana swo fana, eka Matsalwa hinkwavo.

¹⁴⁹ Kambe nakulorhi loyi lontsongo u lavile ku vona Yesu, nakona a tibyerile ku swi endla. A ri wa n'wa-mabindzu, nakona a lava kuri endla kahle bindzu ra yena. Swingaleswi, yena, loko a tava a tibyerile... Nsati wa yena ekaya, a khongela, nakona xikhongelo xa Rebekah a xi n'wi sala hi le ndzhaku. Kutani nakulorhi lontsongo a fanele hi ku gonya murhi. A fanele a hatimisa...

¹⁵⁰ A ndzi vuli swona sweswo. Yalawa i mavulavulelo yale Dzongeni, ya ku “hatimisa.” I vangani lava va switivaku “kuhatima ehenhleni ka murhi”? Kunene, mi vangani n’wina va le Kentuckians mi nga kona lahwani hi ndlela yin’wana?

¹⁵¹ A fanele ku hatima ehenhla ka murhi, a gonya ehenhla ka murhi. Nakona hi loyi lahwani, a tshameke ehenhla lahaya sweswi emurhini, a ri karhi a sula thyaka eka mpahla ya yena leyintshwa; a ri karhi a susa mahanti ematsolweni na le mavokweni, loko a tava a ma kumile loko a gonya murhi. Kambe swi ngari na mhaka ni leswaku ku humeleta yini, a tibyerile ku vona Yesu. Nakona loko hi ntiyiso...

¹⁵² Ndzi yingiseni. Loko hakunene mi tibyerile hi ku N’wi vona, a wu na mhaka ni leswaku u hlangana na yini, u sandziwa ku fika kwihi, leswaku vanhu van’wana va ri yini. U lava ku vona Yesu, u ta endla hinkwaswo leswaku u N’wi vona. U ta yimela ku jika ka wena. U ta endla hinkwaswo leswi u fanelaka ku swi endla, leswaku ntsena u kumeka u N’wi vona.

¹⁵³ Khombo ra kona, namuntlha, a va na torha leri ri ringaneleke. A kuna torha leri ri ringaneleke na ndlala evanhwini. Ndzi pfumela leswaku kereke yi fanele kuva na munyu nyana kutlula leswi yi nga xiswona.

¹⁵⁴ Munyu wu endla torha. Munyu i xinandzihisi loko wu tihlanganisa. “Kambe loko munyu wu lahlekele hi vunandzihisi wa wona, a wa ha pfuni nchumu kuya emahlweni,” kambe wu hundzuka nhlangano. Hi swona. Kambe u fanele kuva xinandzihisi eka wona. Xinandzihisi i munyu, wu nga ntamu.

¹⁵⁵ Loko munhu a vona Kreste loyi a hanyaka eka n’wina, swi ta n’wi endla leswaku a va na torha kukotisa n’wina. Swi ta n’wi endla leswaku a vona Yesu loyi a nga eka n’wina, ku n’wi endla a vona Xikwembu.

¹⁵⁶ Xana va switive njhani leswaku Muxé a ri wa Xikwembu? [Xivati lexi ngariki na nchumu eka thepi—Muhleri.] Nakona a va switiva leswaku Xikwembu a xi ri na yena.

¹⁵⁷ Sweswi ha lemuka, kukotisa Petro a vuleke hi Siku ra Pentekosta, leswaku, “N’wina vavanuna va Israel, hilaha mi...” U ri vonile nandzu rixaka lero hi ku vamba N’wana wa Xikwembu. A ku, “N’wina... Yesu wa Nazareta, Munhu loyi a nga khorwisiwa hi Xikwembu exikarhi ka n’wina, a tiyisisiwa hi vumbboni bya Xikwembu, hi masingita na swihlamariso leswi Xikwembu xi nga swi endla ha Yena; mi tekile Hosana ya Vutomi, hi mavoko lamo biha, mi n’wi vamba.”

¹⁵⁸ Xana Nikodema a nga mahlamuselanga matitwele ya vona? Akuri nkucetelo lowu wu nga tolloveleka ku kumeka u ri karhi u nghena kun’wana, leswi swi nga va endla leswaku va fambela ekule ni ku vona Yesu. A ku eka Yena, “Rabi,

ha switiva leswaku hi Wena Mudyondzisi, loyi a humaka eka Xikwembu, hikuva kuhava munhu loyi a nga ya endlaka masingita lawa handle kaloko Xikwembu xi ri na yena.” Va swi lemukile. Kambe hikwalaho ka nkucetelo wa ntolovel, va vile na tingana ku swi amukela.

¹⁵⁹ Va fanele va fana na munhu wa bofu loyi Yesu a nga n’wi hanyisa.

Va teri, “Munhu loyi i mudyohi.”

¹⁶⁰ A ku, “Swa chavisa. N’wina, varhangeri va siku, nakona a mi swi tivi leswaku Munhu loyi u huma kwih?” A ku, “Hambi hi Yena mudyohi kumbe a ngari yena, a ndzi swi tivi. Kambe nchumu wun’we ntsena lowu ndzi wu tivaka: hi leswaku a ndzi ri bofu, sweswi ndza vona.” Hi swona sweswo. Xexo i xilo xin’we lexi a xi tiva.

¹⁶¹ Ndzi tsakela vumbhoni lebyi byi yimaka na swona bya vanhu lava va yimaka exikarhini ka vanhu va ku, “Ndza switiva leswaku kuna swin’wana. Swin’wana swi ndzi humelerile.”

¹⁶² Tani hilaha ndzi ringeteke ku swivula hi sesi wa mukhaladi, “A ndzi hi leswi a ndzi swi lavisa xiswona kuva swona, kumbe ndzi nga fanelanga kuva xiswona, kambe hambi swi ri tano a ndzi hi leswi a ndzi tolrevele ku va xiswona.” Swin’wana swi n’wi khomile.

¹⁶³ Zakea, a tshamile lahay a ehenhla, ari eka thyaka ra njhani, a tshamile ehenhla lahay. Kutani ma swi tiva . . .

¹⁶⁴ Ndzi yingiseleni. Vanhu lava va pfumelaka eka Xikwembu, va kumeka ethyakeni, hi ndlela yin’wana. Va endla swilo leswi hakunene swi hambanaka na ku famba ka siku.

¹⁶⁵ Yingiselani Muxe. Siku rin’wana, loyi a ri murisi. Ngwazi leyikulu a Egipta, ku ta kutsula vanhu va yena, nakona u hlulekile. Kutani a va murisi, kuringana mune wa makume wa malembe. Mukhalabya wa kahle, a tshamiseka, nakulorhi wa kahle, a va na nsati na n’wana; Zipporah, Gershon. Sweswi ha swi lemuka sweswo, endzhaku kaloko Xikwembu xi n’wi kumile, nakona u vonile Xikwembu exihlahleni lexi xi pfurhaka, hi siku leri ri tlhandlamaka a ri na nsati wa yena loyi a gadile mbhongholo, na n’wana loyi a n’wi tlakurile. Malebvu yo basa ya haha-haha. Na nhonga yo gombonyoka evokweni ra yena, a rhangerile mbhongholo ley; moyo wu ri karhi wu ba. Nhloko ya yena ya mpandla yi ri karhi yi hatima, edyambyini ro hisa, a ya ehansi eEgipta.

Un’wana a nga ha vula leswaku, “Muxe, xana u endla yini?”

¹⁶⁶ “Ndzi rhelela ehansi eEgipta, ku ya ri teka.” Ku hlasela ka munhu a ri un’we, kambe hi swi endlile. Hikokwalaho ka yini?

Xikwembu xi n'wi byerile ku swi endla. Yaleyo hi yona mhaka. Wa vona, a swi tikomba—swi tikomba kuri ku vabya. Kwihi, munhu a balekele ndhawu, sweswi u tlhelela endzhaku.

¹⁶⁷ Yaleyo hi yona ndlela na vanhu lava va kumaka Xikwembu, va ti byelaka ku Xi vona.

¹⁶⁸ Hiloyi a tshameke. Endzhaku nyana, u sungurile ku ehleketa, “Wa tiva, Rebekah u ndzi byele leswaku Munhu loyi i Muprofeta. Ndzi swi kanana swinene sweswo. A ndzi swi pfumeli. A ndzi pfumeli leswaku ku na vaprofeta va namuntha. Loko a va ri kona, muprista wa mina a tava a ndzi byerile ha swona. Muprista wa mina hi un'wana wa malandza ya Xikwembu, swingaleswi a tava a ndzi byerile ha swona.” Sweswo hi swona.

¹⁶⁹ Kambe, wa vona, a swi se tshama swi humeleta eka vukhongeri lebyi byi nga kondleteriwa bya misava leswaku byi tshame byi amukela murhumiwa loyi a humaka eka Xikwembu a swi kalanga swiva kona, a swi endlekanga. Xana Yesu a nga vulanga eka vona leswaku, “N'wina Vafarisi va mabofu, mi sasekisa masirha ya vaprofeta, kuveni hi n'wina lava mi ngava nghenisa eka wona. Xana hi wihi wa vaprofeta eka lava Tatana a nga va rhumela, loyi mi nga n'wi dlayangiki mi n'wi hoxa esirheni, hikuva u kombisile hi ta ku ta ka Loyi a Lulameke?” Wa vona?

¹⁷⁰ Kwalahaya, kutani, hi kuma leswaku, hi loyi lahawani, a tshameke ehenhla lahaya. Ma swi tiva leswaku i yini? Ndzi pfumela leswaku drama ley a yi twakali yi ri ley i blekisaka, kambe ndzi ta ehleketa leswaku u teri, “Sweswi, yimani nyana, loko Nakulorhi yaloye swi nga humeleta a ndzi vona ndzi tshamile ehenhla lahawani eka rhavi leri!” Nakona a tshamile lahaya ku hambanaka marhavi mambirhi. Kutani a tshamile kwalahaya, a ri karhi a swi ehleketa.

¹⁷¹ Yaleyo i ndhawu ya kahle ku tshama eka yona, laha ku hlanganaka tindlela ta n'wina na tindlela ta Xikwembu. Yaleyo i ndlela ya kahle ku ehleketa hi yona. Nakona ndza tshembha leswaku munhu un'wana na un'wana loyi a nga lahawani, loyi a nga se tshamaka a hlangana na Xona, nakona ari karhi a switiva leswaku hakunene u tswariwile nakambe hi Moya wa Xikwembu, leswaku u tshamile eka rhavi lero vusiku lebyi. Kambe, n'wina vavanuna va mabindzu, ndzi tshembha leswaku mi tshamile laha hi ringetaka ku vula leswaku Zakea a tshamile kona, ehenhla eka murhi wa nkuwa, a xikarhi laha ku hlanganaka tindlela timbirhi, ya n'wina na ya Xikwembu.

¹⁷² Kutani a ku, “Wa tiva leswaku ndzi pfumela leswaku ndzi ta endla yini? Ndzi ta koka matluka lawa ya nga lahawani ndzi ti sivela hi wona ya makhamaflexe.” U tifunengetile hinkwako. A ti siyela xifesiterani xitsongo xo kota ku hlometela hi xona,

maswitiva, tluka rin'we, u nga ha ri bakanya, u ku, "Ndzi ta N'wi vona loko Yena a ta, kambe Yena a ngaka a nga ndzi voni. A nge switivi leswaku ndzi le henhla lahwani."

¹⁷³ Swingaleswi loko a ha tshamile kwalahaya, endzhaku nyana, a ha ehleketa hi swona, lahaya ku humeleta huwa hi le khoneni.

¹⁷⁴ I nchumu lowu wu chavisaka, kambe, hinkwako Xikwembu xi kona, kwalahaya a swi languteka kuri na huwa yo tala. Leyi a yi chavisa, kambe a yi ri yona.

¹⁷⁵ Ma swi tiva, Esaya, etempeleni, endzhaku ka rifu ra Ozias, a ri kwalahaya. Kutani u twile huwa, nakona tempele hinkwayo a yi ninginika. Tipuphu ti suka etindhawini ta tona. Nakona a kuri na Tintsumi, Tiserafimi, kwalahaya, laha ku nga Tikerubimi, swihisi swa gandzelo, ku pfumelela ndlela leyinene eka muhundzuki kuya ealtareni. Swivumbiwa leswi leswikulu, swi hundzuka Tintsumi, na timpapa ta Swona tifunengeteke swikandza swa Tona, na timpapa leti ti nga eminkondzweni ya Tona, kutani tihaha ha timbirhi, ti huwelela ti ku, "Wa kwetsima, wa kwetsima, wa kwetsima, Hosi Xikwembu xa Matimba hinkwawo."

¹⁷⁶ Loko Ntsumi yi funengeta xikandza xa Yona lexi xikwetsimaka, leswaku yi hlangana na Xikwembu, xana hi nga yi teka njhani mikhova hi tifunengeta ha yona xana? Hi teka Ngati ya Yesu Kreste hi tifunengeta ha yona, kutani hi va vana. Kungari fexeni ya *leswi*, kumbe fexeni ya *sweswo*, kambe hi Ngati. Xikwembu minkarhi hinkwayo... Ndzhawu yin'we ntsena ya Xona yo hlangana na munhu leswaku kuva na xinakulobye hi le hansi ka Ngati leyi yi nga halaka, laha Vutomi byi milaka...

¹⁷⁷ Eka gandzelo ra khale akuri ehansi ka—ka nawu wa Mosaic, a va tisa xiharhi. Kutani loko va tava va fayile sele ya ngati ya xiharhi lexi, ku nga xinyimpfana, mugandzeri u gandzerile. Kambe vutomi lebyi a byi ri eka xiharhi byi ngaka byi nga ha tlheleli eka mugandzeri, hikuva a byi ri vutomi bya xiharhi lebyi ngariki na moyo. Nakona yi ngaka yi nga vuyeli endzhaku ehenhleni ka mugandzeri. Swingaleswi ntsena a kuri ku—ku tumbela. A yi ri ndhawu leyi ntsena a yi koka kufikela nkarhi wun'wana.

¹⁷⁸ Kambe loko nsiha wa Emmanuel wu tava wu handzukile, Yesu a nga hari Muyuda kumbe Wamatiko. Wa vona? Xirho xa xinuna xi humesa mbewu hi hemoglobini, nakona sele ya ngati yi huma eka xinuna. Xisati...

¹⁷⁹ Kutani n'wina vanhu va Khatholiki, kungari leswaku a ndzi yimi na n'wina, kambe mi n'wi vitana, "Maria, mana wa Xikwembu," swi nga endlekisa ku yini leswaku Xikwembu xi va na manana? A ri ntsena mufukameri.

Mi ri, "Kunene, ta—ta tandza ri huma eka wansati."

¹⁸⁰ Kambe tandza a ri kalanga ri huma eka Maria. Loko hi leswaku tandza ari huma eka Maria, kutani ku fanele kuva na vutitwi. Langutani laha mi nga vekela Xikwembu kona. Xikwembu hi xona xi nga tumbuluxa havumbirhi tandza na sele ya ngati.

¹⁸¹ A nga ha ri Muyuda kumbe Wamatiko. A ri Xikwembu, kuri hava swin'wana. A ri Xikwembu, lexi xi tivonakariseke enyameni. Xana a Xi vulanga leswaku, loko hi hlaya Matsalwa, leswaku, "Xikwembu a xi ri eka Kreste, xi ri karhi xi rivalela misava xona hi Xoxe"? A Xi ri Emmanuel. Xi teri, "Eka Mina, loyi . . ."

¹⁸² Xi teri eka Matsalwa lahwani, kumbexani, "I mani loyi a nga Ndzi hehlaka hi vudyoho? Hikwihi laha Ndzi nga hluleka ku endla leswi swi nga tsariwa ha Mina? Lavisisani Matsalwa. Lawa mi ehleketaleswaku mi na Vutomi lebyi nga Heriki, hi ku Ma lavisia, kutani hi Wona Lawa ya vulaka vumbhonni ha Mina. Kutani loko Ndzi nga endli mintirho ya Tatana wa Mina, kutani mi nga Ndzi pfumeli. Kambe loko Ndzi yi endla mintirho, hambi leswi mi nga Ndzi pfumeliki, pfumelani mintirho leyi Ndzi yi endlaka, hikuva ya mbhoniyela leswaku Ndzi Mani."

¹⁸³ Oho, hikwalaho ka yini Mukreste a komile namunlha, hi nkateko lowu Xikwembu xi nga n'wi nyika wona, na swilo leswi swi nga eBibeleni! Hilaha ndzi tsakelaka hakona ku teka tsalwa leri ri humaka kwalahaya! Nkarhi wu ngaka wu nga swi pfumeleli.

¹⁸⁴ U twile huwa. A tlakuka. A ku, "Kunene, valava ku fanele kuri vona va vumbuluki lavo kwetsima va taka." Ku wa tluka ehansi, a yima nyana. Endzhaku nyana, u lemukile, ku ta loku akuri endzhaku ka khona.

¹⁸⁵ Ku fanele kuri na lonkulu, nakulorhi wa matimba a ri emahlweni. Ndzi nga ha n'wi vona, nakulorhi wa maendlelo yo leha nyana, lonkulu, wa makatla yo tlakuka, wa kwalomu ka malembe ya makume ntsevu-ntlhanu hi vukhale, a ri karhi a famba a ri na nhonga evokweni ra yena. Yaloye ku fanele kuri un'wana loyi hi n'wi vitanaka, U vitanile, "Simon," kutani a n'wi nyika vito rin'wana ra Petro, leri ri vulaka "ku tivula swidyoho," kumbe "ribye lerintsongo."

¹⁸⁶ Endzhaku, a kuri na vavanuna va khume mbirhi lava va nga N'wi rhandzela. Vanhu va tsutsumela, ku ya khumbha ra-ra Rabi tani hiloko A hundza hile kusuhi. Ndzi nga ha vatwa loko va ku, "Mi nga khumbhi Rabi. U karhele. U chumayele vusiku hinkwabyo. Ntamu wu sukile eka Yena. U fe na rito, hi ku vulavula. Mi nga N'wi khumbhi N'winyi wa hina. U fanele ku rhelela sweswi. U fanele ku kuma swakudya swa Yena swa na nhlikanhi. I nkarhi wa Yena wo dya. Kutani ha kombela mi nga N'wi khumbhi. Yimani etlhelo, mi ta swi endla xana, ho kombela, kutani mipfumelela Rabi a ya emahlweni."

¹⁸⁷ Hi loyi A nga yima. Kutani loko Zakea, wanuna lontsongo wa hina wa n'wa-mabindzu wa le Yeriko, loko a ta vona Yesu ro sungula, A languteka a hambanile eka munhu un'wana na un'wana loyi a nga tshama a n'wi vona.

¹⁸⁸ A hi ngheniseni swin'wana swintsongo lahawani. Manana a nga hava a humile na xihlangi. Zakea a languta eka ndlela *leyi*, ku ta vona leswaku i mani. "Oho, ndzi tsundzuka loko dokodela a hari endlwini siku rin'wana. A ndzi yimile kwalahaya loko muprista a ha yimile kwalahaya, nakambe. Dokodela u teri, 'N'wana a ngaka a nga hanyi. N'wi vekeni ekamareni mi pfala mavanti hinkwawo. Mi nga pfumeleli moyo.' Nakona lahawani ndyangu walowo wa vabayizani a wu swi twile hi ta Munhu loyi wa vunwa, loyi a tivitanaka Muprofeta wa le Galeliya yena hi Yexe. A taka lahawani, kutani va tisaka n'wana yaloye, hikokwalaho ka yini, leswi, nawu wa tiko a wu fanele ku N'wi khoma. Ndzi ta swi vona sweswo, loko hi hlangana, na bodo. Hi ta lavisia loko munhu, loyi a nga landzelaka bayizani wa swin'wana swo kotissa sweswo, loyi a nga tekeriweku enhlokweni. U lahlekeriwile hi miehleketo eka miehleketo ya yena."

¹⁸⁹ Kutani ndzi vona munhu a huma hi ku tsutsuma a fika a ku, "Ndzi na n'wana loyi a nga ekufeni lahawani, nkulukumba. Ntsena u nga pfumelela Muprofeta leswaku a n'wi khumbha xana? Ndza pfumela leswaku hi Yena Muprofeta wa Xikwembu. Ndzi N'wi vonile eka tinhlengeletano tin'wana, nakona ndzi twile hi ta Yena, nakona ndza switiva."

"Ee. Ndzi khomele. Ku na votala."

¹⁹⁰ Kambe, endzhaku nyana, wansati lontsongo u humelerile, a tlakule n'wana, nakona n'wana a nga hari na vutomi. "Ntsena N'wi pfumeleri a n'wi khumbha. Sweswo hi swona hinkwaswo ndzi swi lavaka. Ndza N'wi pfumela. Ndza pfumela, loko A nga khumbha n'wana wa mina!"

¹⁹¹ "Ntsena hi ngaka hi nga swi endli, manana." Yena leswaku a suka eka vona, hambi swi ri tano, a yima endleleni ya Yena.

Kutani ndzi nga ha vona Zakea a phendla tluka a languta.

A ku, "Tisa n'wana haleno."

¹⁹² Loko va tava va tisile n'wana kwalahaya, ntsena xi ri ximidyana lexintsongo, xi ri karhi xi huma nkahelo, xi hisa swinene. Va funungula leswi a swi xi funengetile. A tlhandleka tintiho ta Yena ehenhla ka xona. Mhani wa kona a yimile hilahaya, a ri na mahlo yo saseka, mahlo ya Xiyuda. Mihloti yi ri karhi yi rhelela emarhameni ya yena. Kutani tatana wa xona a yimile hilahaya, a yimiserile mavoko ya yena emoyeni, ari karhi a pfumela. Kutani A tlhandleka rintiho ra Yena ehenhla ka n'wana, kutani vuavabyi byo rhurhumela byi suka. Nakulorhi lontsongo a tlula ehenhla ka mavoko ya mhani wa yena a tsutsuma hi xitarata.

¹⁹³ Zakea a ncinka miehleketo ya yena. “Kuna swin’wana swa nkoka hi Munhu loyi. Kambe, swa antswa ndzi tivonela. Swa antswa ndzi pfala hi tluka, leswaku A nga ndzi voni. U ta hi ndlela leyi.”

¹⁹⁴ U ngaka u nga languti Yesu Kreste hi ntiyiso u tlhela u kumeka wa ha ri yaluya wa khale. Kuna swin’wana ha Yena leswi swi nga hambana na vanhu lavan’wana hinkwavo. Loko u tshame u N’wi twa loko a vulavula, u ta kotisa masocha ya Rhoma, “Ku hava munhu loyi a vulavurisaka xileswi.”

¹⁹⁵ Vaprista va vulavurile hi swin’wana. Munhu wa ha ri na ntumbuluko wa luwa. Hi na wona namuntlha. Munhu minkarhi hinkwayo u dzunisa Xikwembu eka leswi Xi swi endlaka, ni ku langutela leswi Xi nga ta swi endla, kutani va hunisa leswi Xi nga eku swi endleni. Walowo wo va ntumbuluko wa munhu ntsena. Minkarhi hinkwayo i ntumbuluko walowo.

¹⁹⁶ Kambe munhu loyi a nga tshama a languta, Yesu Kreste, a nge he pfuki a vile hi ndlela yaliya, loyi a nga N’wi vona loko a tivonakarisa.

¹⁹⁷ Xexo hi xona xivangelo, loko u lemeriwile hi Moya lowo Kwetsima, xilemo xi le ka matlhelo mambirhi ya phepha, havumbirhi ka wona leri ri vuyaka ni leri ri fambaka. Va nga ha vona ku famba, ku vulavula, Vutomi bya Kreste byi kombisiwaka eka sweswo, eka vanhu va Xona. Xexo a xi ri xikongomelo xa Yena xa rifu, leswaku Kereke yi nga ha yisa emahlweni mintirho ya Xona. Kambe hi hlengeletana hi ba xirhendzevutani eka nhulu ya hinkwaswo.

¹⁹⁸ Sweswi ha lemuka, tani hilaha A nga sungula kuya emahlweni, a famba exitarateni. Zakea u tlakusile nyana tluka ra yena, a lava ku N’wi vona kahle loko A ha hundza. Sweswi u tifunengetile hinkwako, o ti endla makhamaflex ya kahle. Kutani endzhaku nyana, a fanele ku tlakukisa *xileswi*, leswaku a languta. Yesu a ri ekuteni hi le hansi ka yena.

¹⁹⁹ Ntsena tani hiloko A ha hundza hi kwalahaya, Yesu u yimile, a languta ehenhla, a ku, “Zakea, hatlisa. Chika eka murhi walowo. Ndzi famba na wena ekaya kuya dya swakudya swa ni nhlikanhi namuntlha.” I ku hambana ka njhani! A switiva leswaku a kuri Muprefeta loyi Hosi Xikwembu xi nga n’wi pfuxa ntsena. Ku ngari leswaku a tiva leswaku u le murhini, kambe a tiva na vito ra yena leswi a ri ri xiswona.

²⁰⁰ Bibele yi teri, “Rito ra Xikwembu ri kariha ku tlula tlharhi leri ri nga na vukarhi hi matlhelo mambirhi, leri ri tlhavaka kuya fika, eka mongo wa rhambu, nakona leri ri Avanyisaka miehleketo na makungu ya mbilu.” “Ekusunguleni akuri na Rito, nakona Rito a ri ri na Xikwembu, nakona Rito a xi ri Xikwembu. Kutani Rito ri endliwile nyama ri tshama exikarhini ka vona. Kutani hi N’wi khomile, loyi a nga Tswariwa a ri yexe hi Tatana.”

²⁰¹ Lahaya A ri kona, la nga Rito ra Xikwembu, ri tivonakariseke eka Zakea loyi. A xika ehansi ka murhi, hi xihatla, leswaku a ta hundzuka.

²⁰² Zakea, n'wa-mabindzu lahawani vusiku lebyi, tsundzukani, a wu nge swikoti ku ti fihla ehansi ka matluka ya nkuwa. U tiva laha hakunene u nga tshama kona. Wa mitiva n'wina. Wa switiva leswaku mi va mani. U tiva mavito ya n'wina. Wa switiva leswaku hikokwalaho ka yini mi va lahawani. U tiva hinkwaswo ka swona. Hi swona.

²⁰³ Kutani hina hi nga hlangana na Yena, niku N'wi tiva, ni kuva vadyondzisiwa va Yena, ha switiva leswi Yena a nga xiswona ni leswi Yena a swi endlelaka vanhu. Ha switiva leswaku U tshamisa sweswiya.

²⁰⁴ Zakea u chikile, hi maendlelo yo tisola. A ku, "Loko.... Hosi, loko ndzi xisetele un'wana, ndzi ta swi hakela. Ndzi ta teka mali ya mina; ndzi nyika swisiwana." Wa vona, seni a kumile Perla yaleyo ya nxavo lowukulu. A kumile swin'wana leswi a swi tlula bindzu ra yena. A kumile swin'wana, Swin'wana sweswo.

²⁰⁵ Nakona vavanuna hinkwavo va ringeta kufikelela swin'wana. Kambe loko u lahlekeriwela hi Vutomi lebyi nga Heriki, hinkwaswo leswi u nga swi fikelela swi ta ku pfuna hi yini? Rifuwo lerikulu ngopfu leri munhu a nga ri kumaka i kuva a kuma ku ntshuxiwa.

²⁰⁶ Tani hilaha ndzi nga vula, eka Testamente ya Khale, loko sele ya ngati yi tava yi tsemekile eka xinyimpfana, yi ngaka yi nga vuyeli endzhaku eka mugandzeri, swingaleswi u humile na ku navela ka vudyoho. Kambe eka mhaka ley, loko, hi ripfumelo hi tlhandleka mavoko ehenhleni ka sele ya Ngati ley, yi nga tsemeka eXihambanweni; kungari Muyuda, hambi yi ri sele ya ngati ya Wamatiko. A yi ri Ngati ya Xikwembu, nakona loko Vutomi byebyo lebyi byi taka byi huma lahaya byi vuyisela Vutomi bya Xikwembu eka hina, laha ku nga Vutomi lebyi nga Heriki. Rito ra Xigriki lahaya leri ri nga tirhisiwa, Zoe, laha rivulaka leswaku, "Vutomi lebyi nga bya Xikwembu xona N'winyi," na Vutomi byebyiya a byi ri eka Kreste, lebyi a byi ri Xikwembu.

²⁰⁷ Miri a wuri wa Munhu, hakunene. Kambe Xikwembu, lexi nga Mutumbuluxi, lexi nga Xona muendlia wa munhu wo sungula! Xana a ta a huma hi kwili loko Xi nga n'wi endlaka? Xikwembu, lexi nga Mutumbuluxi, xi nga pfuniwi ha nchumu, xi tumbuluxile Adam. Xikwembu, lexi nga Mutumbuluxi, xi endlile Munhu, Kreste Yesu, N'wana wa Xona, ekhwirini ra Maria. Nakona a Xi ri Emmanuel. Kutani loko vudyoho...

²⁰⁸ Kungari leswaku A fanele ku fa; U xi vekile ehansi. Kambe hikwalaho ka kuva xidyoho xi bile, tlharhi leri ri nga tlhava mbilu ya Yena, kutani swin'wana swi tekile ndhawu.

Vutomi byi vuyela endzhaku eka mugandzeri. Nakona i yini? “Kutani ha hari na ripfalo ra xidyoho,” ku vula mutsari wa Vaheveru. “Ku navela ka xidyoho ku fambile.” Kutani, sweswi hi tshuxekile.

²⁰⁹ Zakea; loko va vonile Yesu loko a gonya Golgotha, leswaku a vambiwa.

²¹⁰ A swi kanakanisi handle ka Javulosi loyi minkarhi hinkwayo a N’wi kanakana. Javulosi u N’wi kanakanile loko a tava a N’wi vone ro sungula, loko A ya emananga, endzhaku kaloko Moya lowo Kwetsima wu tile ehenhla ka Yena. U teri, “Loko U ri N’wana wa Xikwembu, hi kombi singita. Hundzula maribye lawa ya va vuswa.” Kwalaho javulosi a nge se fa. “Ndzi kombi singita.”

Yesu u teri, “Ku tsariwile, leswaku, ‘Munhu a ngaka a nga hanyi hi vuswa ntsena.’”

²¹¹ Loko va tava va N’wi khomile lahaya erivaleni, ntlawa wa Javulosi, vona masocha ya Rhoma, va n’wi boha mavoko ya Yena ya va endzhaku ka Yena, kutani va N’wi ba enhlaneni hi tinhlanga kufikela laha a vaka na minkhavi ya nkaye, kufikela laha ku hetisekaka vuprofeta bya vaprofeta. “Kambe Yena u tlhawiwile hikwalaho ka swidyocho swa hina, u tshoviwile hikwalaho ka ku homboloka ka hina, mimpfimbeti leyi hi nyikaka ku rhula yile henhla ka Yena, kutani hi tshunguriwa hi timbanga ta Yena.” Kutani loko A ha voyamela eka tona...

²¹² Kutani masocha ya n’wi boha lapi ku rhendzeleka hi nhloko ya Yena, kutani va N’wi ba enhlokweni hi rihlanga. Kutani va ri hundzisela eka un’wana, va ku, “Loko U ri Muprofeta, hi byeli leswaku U biwe hi mani. Hi ta Ku pfumela.” Ku hlekula kwaloko, na masocha lawa a ya pyopyiwile ya n’wi tshwutela hi marhi ehenhleni ka xikandza xa Yena!

²¹³ Javulosi a ku, “Yaloye a ngaka a ngavi Xikwembu. Yaloye a ngaka a ngavi hambi muprofeta. Hi Yena muxisi.” Swi ngari ekutiviweni leswaku Matsalwa a ma boheka ku hetiseka.

²¹⁴ Kutani loko hi N’wi vona a gonya eXihambanweni, hi N’wi languta. Ndzi lava leswaku vayingiseri lava va vona xivono xa Yena. A hi tlheeleni endzhaku, khume nkaye wa madzana wa malembe lawa ya nga hundza, xinkadyana, kutani mi ndzi yingisela nyana. Ku xinyami eYerusalem. Hikokwalaho ka yini? Magandzelo ma aleriwile hi Yehovha. Swin’wana swi lulamela ku humelela. Tani hilaha ngati yi nga hisiwa eka altari, Xikwembu xi yi arile. Gandzelo ra ntiyiso ri famba exitaratenei. Ndzi nga ha twa ku bamba ka swin’wana. Languta ehansi, lahaya ku famba xihambano xexo xa khale xo khwaxa, ehansi ka ku xupuriwa ko tika hi Rhoma, eka Munhu loyi a nga endlangiki nchumu.

²¹⁵ Kutani ndzi nga ha vona wansati lontsongo a tsutsumela emahlweni, a ku, “Xana U endlile yini handle ka ku hanyisa vavabyi va n’wina ni ku pfuxa vafi xana?”

²¹⁶ Un’wana a n’wi phakata exikandzeni, a ku, “U nga pfumela wansati yaloye u nga se pfumela eka muprista xana? Fambela ekule na Munhu yaloye!”

²¹⁷ Langutani khancu wa Yena. Wu na swinthonsa-thonsani swo tshwuka hinkwawo ka wona, ehlani. Tani hiloko A ha gonya xiganga, mathonsi lawa ya ya ya kula na ku kula. Endzhaku nyana, hinkwawo ya tsutsumele eka rin’we. Kuna swin’wana leswi swi tlambukaka ku lwisana na Yena. I yini xana? I Ngati ya Yena. Nakona xihambano xi koka xi humesela migandlazo ya minkondzo ya Berhe.

²¹⁸ Ndzi nga ha vona nyoxi yaleyo ya rifu yi ta ehenhla lahaya, yi bvuruma yi rhendzeleka hi Yena. “Ndzi ta N’wi kuma sweswi. Loko A ri muprofeta, A tava—A tava a endlile swin’wana ehansi lahaya loko va tava va N’wi tshwuterile exikandzeni. A ri muprofeta, A nga ta swikota ku endla leswi A swi endlanga sweswi. Ndza switiva leswaku ndzi ta N’wi kuma.”

²¹⁹ Ma swi tiva, nyoxi yin’wana na yin’wana, xihadyana xin’wana na xin’wana, xi na ndzhombho eka xona, nakona ndzhombho walowo i nichumu wo biha.

²²⁰ Nakona rifu ri na ndzhombho eka rona. Kambe Xikwembu xi fanele ku ti endla nyama. Xi nga ha luma muprofeta xi n’wi khoma. Xi nga ha luma munhu loyi a lulameke ni ku n’wi khoma. Xi lumile Davida ni ku n’wi khomeleta. Kambe lahawani hi lexi Xikwembu, nakona a nga switivi. Nyoxi leyi yi ta yi huma etheleni, yi bvuruma ku rhendzeleka hi Yena. “Ndzi ta N’wi kuma.”

²²¹ Kambe loko nyoxi yi kala yi nghenisa ndzhombho wa yona hi ku enta loku ku ringaneleke, yi hlomula ndzhombho wa yona eka yena.

²²² Nakona loko nyoxi yaleyo ya rifu yi nga nghenisa ndzhombho wa yona eka munhu loyi a kotisaka mina na n’wina, a nga kumeka ari na wona. Kambe ku na—na miri lowu wu nga lulamisiwa; kambe loko a nghenisa ndzhombho walowo eka Yehovha, loyi a nga nyama ya Xikwembu, leyi tumbuluxiweke, kungari ku navela kun’wana ka timhaka ta masangu. Loko a tava a nghenile eka nyama yaleyo, u lahlekeriwele hi ndzhombho wa yena. Kutani, a nga ha ri na ndzhombho.

²²³ A swi hlamarisi loko Mukwetsimi Paul yaloye a nga ha yima, loko va ha aka ndhawu leyi va nga ta tsemela nhloko ya yena kona. U teri, “Wena rifu, ndzhombho wa wena wule kwihi? Sirha, kuhlula ka wena ku le kwihi? Kambe a ku khensiwe Xikwembu, Lexi xi hi nyikaka kuhlula hi Hosi ya hina Yesu Kreste.” Ina.

²²⁴ Oho, loko munhu o kala a swi khoma sweswo hi ku swivona, hinkwaswo leswin'wana swi ta endzhaku. Bindzu ra n'wina ri ta endzhaku, hinkwaswo. Ee, a swi na mhaka ngopfu. Ntsena u ta tshama lahawani xinkadyana, kambe Sweswo kusungula. "Xana munhu swi n'wi vuyerisela yini loko a lahlekeriwa... a vuyeriwela hi misava hinkwayo, kutani a lahlekeriwela hi moyo wa yena?"

²²⁵ Zakea! Oho, Zakea! Nkarhi wun'wana a hi yena Rebekah loyi a nga ekaya, a khongelaka, kambe nkarhi wun'wana kuri manana loyi a nga hundza a nga halahaya ka khethenisi. Swikhongelo swa yena swa ha tshamile ehenhla ka altari ya Xikwembu. Loko sweswo swi ri swona, Zakea, huma endzhaku ka matluka ya nkuwa lowu vusiku lebyi: harhi yaleyo ya mikhuva ya xidinominexini leyi u nga khomelela eka yona, u ngari na ku Tswariwa loku Ntshwa; kambe swin'wana leswi u nga khomelela eka swona, nakona a wu kalanga u va na vumbhoni bya leswaku Xikwembu a xi ri eka yona. U tiva laha u nga tshama kona. Hikokwalaho ka yini u nga swi endli?

A hi korhamiseni tinhloko ta hina xinkadyana.

²²⁶ Xikwembu xa Matimba hinkwawo, Yehovha lonkulu Loyi a chavisaka loyi a nga dumaduma eNtshaveni ya Sinayi, kufikela laha vanhu va nge, "Pfumelela Muxe a vulavula kungari Xikwembu, kumbe hi nga fa." Vulavula vusiku lebyi, Tatana wa hina wa le Matilweni, hi ntwela-vusiwana niku rivaleriwa, etimbilwini ta vanhu lava va nga Ku tiviki. Kutani va pfumeleli va tiva leswaku lowu hi wona nkarhi. Leswaku, kumbexani va nga ha tumbela hi mabindzu ya vona. Ku nga hava na vavanuna votala lahawani va mabindzu, Tatana, lava—lava va nga Ku tiviki hakunene. Nkarhi wun'wana va nghena kereke, nakona a hi vuli nchumu xo biha kulwisana na sweswo. Kambe a va kalanga va tswariwa ravumbirhi. A va switivi hakunene leswaku i yini.

²²⁷ Nakona ha switiva leswaku ku hava na rin'we lerintsongo kumbe kutsala kun'we loku ku nga taka ku nga endleki ku hundza eka Rito ra Wena. U teri, "Matilo ni misava swi ta hundza, kambe Rito ra Mina ringaka ri nga hundzi." Nakona U teri, "Handle kaloko munhu a tswariwa nakambe, hi mati na Moya, swi ngaka swi nga endleki a nghena eMfun'weni." Ndza khongela, Tatana, leswaku U ta vulavula na timbilu vusiku lebyi ntsena eka nkarhi lowu. Pfumelela vavanuna na vavasati leswaku va ehleketa hi ntiyiso, ntsena eka lexi xinkadyana, hi ri karhi hi switiva leswaku hi hanya eka tiawara leti ti pfalaka.

²²⁸ Israel ri le ka tiko-xikaya ra rona, khalendara leyikulu ya Xikwembu. Ri le ku tlheleleni ekaya, ri langutele, "Leswaku u kwipi Mesiya?"

²²⁹ Ha switiva leswaku loko Yosefa a tava a ti tivisile yena hi yexe eka vamakwavo va yena, leswaku u tshuxile Vamatiko

leswaku va famba ekhorhweni. Nsati wa yena na vana a vari exigotlweni. Ku boheka kuva na ku vutliwa ka Vamatiko, leswaku Israel ri nga ha tivisiwa. Kutani ku ta fika nkarhi wa swirilo na ku tlhava-mukhosi na ku rila, “Xana U swi kume kwihwi swivati leswi xana?”

²³⁰ U teri, “Emavokweni ya vanghana va Mina. Kusuka eka vanghana va Mina Ndzi kumile swivati leswi swi nga emavokweni ya Mina,” endlwini leyi hakunene A fanele a amukeriwile, loko A tava a ti tivisile yena N’winyi eka Israel nakambe.

²³¹ Xikwembu, loko Vamatiko va hari na xinkadyana, leswaku va nga ha hundzuka hi kuhatlisa va ta eka Wena.

²³² Loko ha ha korhamisile tinhloko ta hina, Zakea, ndzi ku lava leswaku u tshembheka hakunene ntsena xinkadyana, na va Rebekah, na vona. Eka Xihungwana lexi xo tshoveleleka, loko kuri na swin’wana leswi swi vulavuleke etimbilwini ta n’wina swi ku, “A ndzi se tshama ndzi amukela ntokoto walowo wa—wa Moya lowo Kwetsima, wu nga Evhangeli leyi yi hetisekeke, kambe ndzi tsakela kuva na wona. Ndzi ku lava leswaku u ndzi tsundzuka eka xikhongelo, Makwerhu Branham. Ntsena ndzi ta yimisela voko ra mina ehenhla, ndzi nga yimiseli wena, kambe Xikwembu.” Kutani u ku, “Ndzi khongeleli.” Kutani ndzi ta hetisisa xikhongelo, ndzi ku tsundzuka. Xikwembu a xi ku katekisi. Xikwembu a xi ku katekisi, na wena, na wena, na wena, madawuzeni ya mavoko.

²³³ Mi ri, “Sweswo swi nga endla swa kahle, Makwerhu Branham?” Hakunene. “Hikokwalaho ka yini swi ri tano?”

²³⁴ Wa vona, sayense yi ku byela leswaku u nga yimisi voko ra wena, kahle-kahle. Hikuva, hikokwalaho ka yini? Gravhithexini ya misava yi ta khomelela voko ra wena leswaku ri nga yimi. Kambe u na moya wa vutomi endzeni ka wena. Nakona vutomi byebyo byi nga endzeni ka wena, Vutomi byin’wana byi ta eka byona byi fika byi ku, “U hoxile.”

²³⁵ Nakona u tshovile milawu ya sayense, nakona u yimisa voko u yimisela Mutumbuluxi, i ku, “Ndzi tsundzuki.” U ta swi endla. Loko hakunene u swivula sweswo, U ta ku teka eritwени ra wena. Xikwembu a xi ku katekisi endzhaku lahaya. Un’wana nakambe hi nga se pfala? Ntsena ndzi ya vula rito ri ntsongo ra xikhongelo, ndzi khongela xinkadyana. Xikwembu a xi ku katekisi, nkulukumba. Xikwembu a xi ku katekisi. Un’wana nakambe?

²³⁶ [Sesi eka nhlengeletano a tshaha Matsalwa—Muhleri.] Amen. Hi tintswalo, nandza loyi lontsongo wa xisati a yimaka a ri hansi ka Moya, a vulavula xitshembhiso.

²³⁷ Xana u—xana u nga yimisela voko ra wena ehenhla loko u nga swi endlaka? Kutani i ku, “Ntsena . . .” Sweswo hi

swona hinkwaswo leswi ndzi nga ta swikombela leswaku mi swi endla. Ntsena yimiselani mavoko ya n'wina ehenhla, mi ti tekela enhlokweni hi n'wexe leswaku mi hoxile, nakona mi lava ntwela-vusiwana. Yindlu yi pfulekile. "Ku na Xihlovo endlwini ya Davida, xi pfuleriwele vudyoho na ku ka u nga tengangi." Xana mi ta xi amukela vusiku lebyi xana, un'wana nakambe, hi nga se pfala sweswi? I makume mune, makume ntlhanu wa mavoko ya ye ehenhla emuakwini, ya vavanuna na vavasati, lavantsongo ni lavakulu, va tlakusile mavoko ya vona. Hi swona. Xikwembu a xi ku katekisi, nkulukumba. Hi swona.

A hi khongeleni.

²³⁸ Hosi Yesu, ndzi pfumela leswaku mavoko lawa ya yimisiwile hi ku enta ka ku tshembheka. U tiva mavonelo ya vona. U tiva nhlohlotelwa vona wa ku endla leswi. Kutani ndza khongela, Tatana wa le Matilweni, leswaku tintswalo ta Wena leto Kwetsima ti ta wisela ehenhleni ka un'wana na un'wana wa vona. Leswaku vusiku lebyi ku nga hava ku ri ku ncinka ka nkarhi. Leswaku va nga ha xikela ehansi va suka eka murhi wa xitayele xa wona n'winyi xa Vufarisi. Leswaku va nga ha xikela ehansi eka murhi, emahlweni ka Yesu Kreste, va ku, "Hosi, loko ndzi hoxisile, ndzi tsakela ku swi lulamisa vusiku lebyi." Kutani kusukela eka xikamarani lexi xo dyela kona vusiku lebyi, Tatana, U ta famba na vona ekaya, na vona, kutani u ya dya na vona, kutani niku tshama na vona eka vutomi hinkwabyo ni hilaha ku nga Heriki hinkwako. A Wu nge va nyiki swona leswi, tani hiloko ndzi nyikela xikhongelo xa mina eka Wena hi ku va yimela?

²³⁹ U teri, "Ku hava munhu loyi a nga taka eka Mina handle kaloko Tatana wa Mina a n'wi tshuneta kusungula. Ni hinkwaswo leswi Tatana a nga Ndzi nyika swona swi ta ta eka Mina." U swi tshembhisile sweswo.

²⁴⁰ Kutani sweswi, Hosi Xikwembu, leswi i ku nyika tiharhi ta tintswalo na rirhandzu. Ti le mavokweni ya Wena, nakona kuhava munhu loyi a nga ta tisusa. Hi ku tshembheka loku ku tshembhekeke etimbilwini ta vona, ku tshembheka ka ku tivula ka vona loku va nga ku endla, leswaku va lava ku hundzuluka eka tindlela ta misava, va ya eka tindlela ta Xikwembu, eka vutomi bya vona.

²⁴¹ Va amukeli, Wena Hosi, ndza kombela, tani hiloko ndza ha va khongeleta, ndzi yimile emahlweni ka Xiluvelo xa Wena Lexikulu. Hi ripfumelo hi yima kwalahaya, ndzi langute ehenhleni ka timhondzo ta Xiluvelo xa Xikwembu, na Gandzelo leri ri nga na Ngati ri tshameke emahlweni ka hina, ri hi khongeletlaka eka ku tivula ka hina. Va pfuni, Tatana. Ndzi va tisa eka Wena tani hi tinyiko ta rirhandzu, hi Vito ra Yesu Kreste. Amen. Amen.

²⁴² Sweswi, un'wana na un'wana wa n'wina lava mi nga yimisa mavoko, ndzi lava ku mi kombela leswaku mi ndzi endlela swin'wana. Ndzi mi lava leswaku mi hlangana na vaministara lava va nga lahwani, kutani mi va byela leswaku mi amukerile Kreste tani hi Muponisi wa n'wina, nakona mi lava ku khuvuriwa, nakona mi lava ku tatiwa hi Moya lowo Kwetsima. Kutani Xikwembu xi ta mi nyika swona.

²⁴³ Sweswi, a ndzi ri eku ehleketeni hi swin'wana, kambe a hi ngevi nankarhi, hikuva i—i kwalomu ka ntlanu wa timinetse wa nkarhi wo pfala ndhawu, kambe hi—hi khensa ku tiyisela ka n'wina.

²⁴⁴ Ni hinkwawo mavoko lawa ya ngaya ehenhla, sweswi, ntsena a ndzi nga switivi leswaku va le kwihi, ntsena hinkwako. Kambe loko mi tava mi yimisile mavoko ya n'wina, hakunene mi vula swona. A mi nge yimisi mavoko ntsena ku yimisa ntsena. Loko mi swi endla, sweswo i vutikukumuxi. Yimisani mavoko ya n'wina. Mi nga endli nchumu handle kaloko mi tshembhekile hakunene ku swi endla. Kutani loko mi endla xiboho xexo, kutani ehansi endzeni ka mbilu ya n'wina mi vula leswaku mi swi endlile, kutani fambani mi tshembhekile na swona. Xikwembu xi ta mi xixima.

²⁴⁵ Mi nge, hi ndlela yin'wana, xana mi kale mi switiva leswi swi nga humeleta Zakea xana? Xana ma swi tsakela ku tiva leswi swi nga n'wi humeleta xana? U vile xirho xa Full Gospel Business Men's Association xa Yerikho. Xana a mi swilavi ku joyina, na n'wina xana?



ZAKEA, WA N'WA-MABINDZU TSO63-0121
(Zacchaeus, The Businessman)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Msumbunuku na madyambu, Sunguti 21, 1963, eka swakudya swa va Full Gospel Business Men's Fellowship International a Ramada Inn a Tucson, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org